



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË SHKODËR



RAPORTI VJETOR - 2019

MBI GJENDJEN E KRIMINALITETIT NË PROKURORINË
PRANË GJYKATËS SË SHKALLËS SË PARË SHKODËR

VITI 2019

SHKURT 2020

RAPORTI VJETOR MBI GJENDJEN E KRIMINALITETIT

VITI - 2019

Në respektim të detyrimeve ligjore, të parashikuara nga neni 50 i ligjit Nr. 97/2016, “Për Organizimin dhe Funksionimin e Prokurorisë në Republikën e Shqipërisë”, urdhërit të Prokurorit të Përgjithshëm me Nr.163, datë 24.01.2020, “Mbi paraqitjen e Raportit Vjetor 2019”, si dhe urdhërit nr.330/2016 të Prokurorit të Përgjithshëm, duke u bazuar edhe në parashikimet dhe rekomandimet e Rezolutës së Kuvendit të Shqipërisë datë 20.06.2019, VKM Nr.296 datë 10.05.2019 “Për miratimin e rekomandimeve prioritare për Prokurorin e Përgjithshëm, në luftën kundër kriminalitetit, për vitin 2019” të Këshillit të Ministrave, si dhe Urdhërave dhe Udhëzimeve të përgjithshme të Prokurorit të Përgjithshëm, si dhe në mbështetje të legjislacionit penal në tërësi, paraqes përpara Prokurorit të Përgjithshëm të Republikës së Shqipërisë, raportin vjetor të Prokurorisë pranë Gjykatës së Shkallës së Parë Shkodër për vitin 2019.

I nderuar z. Prokuror i Përgjithshëm !

Së pari, shfrytëzoj rastin për t’ju falendëruar për mbështetjen që i keni dhënë punës së Prokurorisë pranë Gjykatës së Shkallës së Parë Shkodër, mbështetje e cila na bën më optimist dhe na inkurajon për të përmbushur më me korrektësi detyrimet tona Kushtetuese dhe Ligjore.

Nëpërmjet këtij raporti, paraqesim në mënyrë të përgjithshme dhe të detajuar treguesit e punës për periudhën njëvjeçare, ku në tërësi vihet re një ngarkesë e cila në disa drejtime është përballuar nga njëtrupë e reduktuar e prokurorëve të ndihmuar nga oficerët e policisë gjyqësore, në ushtrimin e ndjekjes penale, mbrojtjen dhe përfaqësimit e akuzës në gjykim si dhe kryerjen në tërësi të detyrimeve ligjore. Prokuroria pranë Gjykatës së Shkallës së parë Shkodër, në vitin 2019, ka një organikë prej 19 prokurorësh ku efektivisht gjatë këtij viti kanë ushtruar detyrën vetëm 11-12 prokurorë, pak më shumë se gjysma e organikës ka qenë në detyrë efektivisht, fakt që ka ndikuar në nivelin e ngarkesës së prokurorëve, numrin e dosjeve të përfunduara, numrin e dosjeve të mbartura në hetim dhe problematika të tjera të dala gjatë këtij viti.

Megjithatë, gjatë vitit 2019 nga prokurorët e kësaj prokurorie i është kërkuar në vijimësi zbatimi i drejtë dhe aplikimi i të gjitha akteve ligjore dhe nënligjore, si dhe i të gjitha parashikimeve të reja ligjore të Kodit Penal, Kodit të Procedurës Penale dhe Kodit të Drejtësisë Penale për të Mitur, etj. Nga ana tjetër, është punuar për hartimin dhe nxjerrjen e rregullave standarde për organizimin dhe funksionimin e prokurorisë me qëllim sigurimin e një organizimi, drejtimi dhe kontrolli efikas të punës, si dhe rritjen e pavarësisë së prokurorëve dhe nxitjen për kuptimin dhe zbatimin më të mirë të përgjegjësive nga çdo prokuror. Sipas strukturës të bashkëngjitur urdhërit të Prokurorit të Përgjithshëm, për paraqitjen e raportit vjetor, paraqesim të dhënat si më poshtë:

I. DREJTIMET DHE PËRPARËSITË NË LUFTËN KUNDËR KRIMINALITETIT NË VITIN 2019

- Informacion mbi zbatimin e rekomandimeve të Këshillit të Ministrave dhe urdhërave dhe udhëzimeve të Prokurorit të Përgjithshëm.
- Lufta kundër korrupsionit;
- Lufta kundër krimit të organizuar;
- Respektimi i të drejtave të njeriut;
- Të miturit dhe grupet vulnerabël, si të pandehur dhe viktima;
- Bashkëpunimi ndërinstitucional dhe bashkëpunimi ndërkombëtar;
- Përdorimi i metodave speciale hetimore dhe hetimet proaktive;
- Problematikat e hasura.

➤ Informacion mbi zbatimin e rekomandimeve të Këshillit të Ministrave dhe urdhërave dhe udhëzimeve të Prokurorit të Përgjithshëm të nxjerra në bazë të tyre.

Prokuroria pranë Gjykatës së Shkallës së Parë Shkodër, ka qenë e angazhuar në marrjen e masave për zbatimin e rekomandimeve të Këshillit të Ministrave si dhe të urdhërave dhe udhëzimeve të Prokurorit të Përgjithshëm të nxjerrë në zbatim të tyre, në lidhje me këto prioritetet;

- *Rekomandimet e Rezolutës së Kuvendit të Shqipërisë datë 20.06.2019, VKM Nr.296 datë 10.05.2019 “Për miratimin e rekomandimeve prioritare për Prokurorin e Përgjithshëm, në luftën kundër kriminalitetit, për vitin 2019”;*
- *Udhëzimit nr. 03 datë 29.12.2016 “Për shpërndarjen e çështjeve në Prokurori` të Prokurorit të Përgjithshëm.*
- *Udhëzimin nr. 55 prot datë 10.09.2018 ``Për mbajtjen e të dhënave statistikore në lidhje me çështjet penale në fushën e korrupsionit, pastrimit të produkteve të veprës penale ose veprimtarisë kriminale“*
- *Urdhërit të Drejtuesit të Prokurorisë Nr.3 datë 10.02.2017, “Për miratimin e Rregullores së Organizimit dhe Funksionimit të Prokurorisë pranë Gjykatës së Shkallës së Parë Shkodër”,*
- *Si dhe akte të tjera të dala në zbatim të tyre.*

➤ Në luftën kundër korrupsionit :

Duke vlerësuar faktin se lufta kundër korrupsionit përfaqëson një ndër sfidat kryesore të organeve të drejtësisë në përgjithësi dhe Prokurorisë në veçanti, si për ngritjen e institucioneve të përgjegjshme dhe dinjitoze, ashtu edhe rritjen e transparencës, të llogaridhënies dhe efencës me qëllim progresin ekonomik dhe shoqëror të Shqipërisë, si

një ndër kushtet e vendosura nga Bashkimi Evropian për avancimin në rrugën e integritetit të Shqipërisë.

Gjatë këtij viti, megjithëse janë bërë përpjekje për shtimin e luftës kundër korrupsionit dhe rritjen e numrit të procedimeve të hetuara për këto vepra penale, duhet pranuar se nuk ka pasur rezultate të kënaqshme qoftë për numrin e përgjithshëm të procedimeve penale të rregjistruara dhe të hetuara, ashtu edhe në lidhje me numrin e procedimeve penale të dërguara për gjykim, numrin e të pandehurve dhe numrin e të dënuarve.

- Gjatë vitit 2019, nga ana e Prokurorisë pranë Gjykatës së Shkallës së Parë Shkodër, në lidhje me veprat penale në fushën e korrupsionit, janë rregjistruar 2 (dy) procedime penale me nr.512/2019, për veprat penale të parashikuara nga nenet 248 dhe 259 të Kodit Penal, i cili është ndarë dhe në lidhje me nenin 259 të K.Penal, është dërguar për kompetencë në Prokurorinë e Posaçme Kundër Korrupsionit dhe Krimin të Organizuar, si dhe me nr.1695/2019, për veprën penale të parashikuar nga neni 259 i Kodit Penal, i cili është pushuar. Gjithashtu, është rregjistruar edhe 1 (një) procedim penal me nr.1341/2019, për veprën penale të parashikuar nga neni 244 të Kodit Penal, i cili vijon të jetë në hetim.
- Në lidhje me këtë grup veprash, është synuar gjatë këtij viti, si dhe janë udhëzuar prokurorët dhe oficerët e policisë gjyqësore në rritjen e efikasitetit dhe cilësisë së hetimeve, si dhe përdorimin e metodave speciale të hetimit (hetimeve proaktive), bashkëpunimit me institucionet e tjera dhe agjencitë ligjzbatuese në realizimin e hetimeve të shpejta dhe të plota, si dhe në ashpërsimin e qëndrimeve dhe të politikës penale si në caktimin e masave të sigurimit ashtu edhe në masën e dënimeve.
- Referimet në lidhje me këtë grup veprash penale, kryesisht janë bërë nga shërbimet e policisë gjyqësore të Drejtorisë Vendore të Policisë Shkodër, nga Drejtoria Rajonale e Shërbimit për Çështjet e Brendshme e Ankesat, nga shtetasit janë bërë disa kallëzime penale në Prokurori, ndërsa nuk ka pasur raste të rregjistrimit kryesisht të procedimeve për këto vepra nga prokurorët.
- Për tu vënë në dukje, fakti se pjesë më e madhe e referimeve të bëra në fushën e korrupsionit janë referuar të lidhura me veprën penale të “Shpërdorimit të detyrës” të parashikuar nga neni 248 i K.Penal. Kjo lidhet me faktin që referimet lidhen me problematikat e hasura me nënpunës të ndryshëm të institucioneve të ndryshme lokale apo qendrore. Kjo pasi kallëzimi penal apo materialet e para hetimore të referuara për vepra penale në fushën e korrupsionit janë të paplota, të bëra mbi bazën e dyshimeve të përcipta apo në informacione operative të pashoqëruara me prova konkrete, fakt që ka krijuar dyzime tek prokurorët për mundësinë e rregjistrimit të tyre për veprat penale të parashikuar nga nenet 244, 259 etj të K.Penal dhe aq më pak në mundësinë konkrete për përdorimin e metodave speciale të hetimit. Ku nga prokurorët është vendosur është vendosur mosfillimi i procedimit penal për 33 materiale hetimore, në lidhje me veprën penale të “Shpërdorimit të detyrës”, ndërsa vetëm për veprat penale të parashikuara nga nenet 244, 259, 287, të K.Penal nuk ka pasur vendime mosfillimi.
- Në lidhje me veprën penale të “Shpërdorimit të detyrës”, të parashikuar nga neni 248 i K.Penal, rezulton se për vitin 2019, janë referuar dhe rregjistruar 72 procedime penale, të referuara kryesisht nga shërbimet e policisë gjyqësore të Drejtorisë Vendore të Policisë Shkodër, Drejtorisë Rajonale të Shërbimit për Çështjet e Brendshme e Ankesat,

si dhe nga shtetasit, ku 32 janë rregjistruar me persona nën hetim. Nga këto procedime për 33 prej tyre është paraqitur kërkesë në gjykatë për pushimin e çështjes apo akuzës, 4 procedime penale janë pezulluar, ndërsa 10 procedime penale me 15 të pandehur janë dërguar për gjykim, ndërsa për 5 procedime penale është shpallur moskompetenca dhe janë dërguar në prokuroritë kompetente. Për 20 procedime penale dhe 24 të mbartura vijnë hetimet.

- Është për tu vënë në dukje, fakti që në të shumtën e rasteve, kallëzimet dhe referimet për veprat penale të parashikuar nga neni 248 të K.Penal, shoqërohen me kallëzime edhe për veprat penale në fushën e korrupsionit, shkeljes së barazisë së tendera, falsifikimit të dokumentave, në fushën e tatimit taksativ, apo në lidhje me moskëzëqimimin e vendimeve gjyqësore, etj. Edhe në referimet e kësaj vepre penale konstatohen në vijimësi kallëzime apo materiale të dobëta, të mangëta apo me mungesë të dhënash dhe provash, fakt që ka ndikuar edhe në mënyrën e përfundimit të tyre.

➤ **Në luftën kundër krimit të organizuar :**

- Në lidhje me veprat penale në fushën e narkotikëve (nenet 283, 283/a, 284, etj), rezulton se janë rregjistruar 113 (njëqind e trembëdhjetë) procedime penale. Nga këto procedime, 3 (tre) prej tyre janë dërguar për kompetencë lëndore në Prokurorinë pranë Gjykatës së Shkallës së Parë për Krime të Rënda Tiranë. Ndërsa 26 (njëzet e gjashtë) procedime penale janë pushuar me kërkesë në gjykatë, 23 (njëzet e tre) procedime penale janë dërguar për gjykim me 25 (njëzet e pesë) të pandehur, 48 (dyzet e tetë) procedime penale janë pezulluar për mosidentifikimin e autorëve, kryesisht për veprën penale të parashikuar nga neni 284 i K.Penal. Gjithashtu, numri më i madh i kërkesave në lidhje me çështjet për të cilat është kërkuar pushimi i procedimit penal, janë pranuar nga Gjykata, pasi rastet kanë qenë me sasi të vogla lëndësh narkotike të sekuestruara, dhe qëllimi i subjektit nën hetim ka qenë për përdorim vetjak (nga aktet toksikologjike ka rezultuar përdorues).
- Gjatë vitit 2019, janë rregjistruar 31 (tridhjetë e një) procedime penale të reja në lidhje me veprën penale të « *Pastrimit të produkteve të vepres penale ose veprimtarisë kriminale* », parashikuar nga neni 287 i Kodit Penal, ku 14 (katërmëdhjetë) procedime penal janë pushuar me kërkesë në gjykatë për pushimin e çështjes, 3 (tre) procedime penale me 3 (tre) të pandehur janë dërguar për gjykim, ndërsa 1 (një) procedim penal, i bashkuar me tre procedime penale të tjera është dërguar për kompetencë lëndore në Prokurorinë pranë Gjykatës së Shkallës së Parë për Krime të Rënda Tiranë, ndërsa vazhdojnë të jenë në hetim 21 (njëzet e një) procedime penale të tjera. Vështirësi janë hasur në lidhje me hetimin e kësaj vepre penale, për shkak të materialeve të dobëta hetimore të filluara ku mungon një evidentim i saktë i veprimtarisë kriminale konkrete dhe personave të përfshirë në të, si dhe të rrethit të subjekteve që lidhen me autorin e dyshuar dhe pasurive konkrete që ka në pronësi dhe përdorim i dyshuari dhe rrethi i tij. Gjithashtu, ka vonesa dhe mungesë informacioni të saktë nga institucionet përgjegjëse për pasuritë e sakta që disponohen apo përdoren nga subjektet e kësaj vepre. Gjithashtu, mungon ekspertiza e duhur, e cila vlerësojmë se duhet të jetë pjesë e grupit hetimor për të evidentuar saktë pasurinë me burim kriminal apo pasurinë e pajustificuar. Informaliteti i lartë, mungesa e oficerëve të trajnuar posaçërisht për hetimin e kësaj vepre, mungesa e hetimeve dinamike dhe në vijimësi, mungesa e ekspertizës, vonesat

apo zvarritjet e përgjigjeve nga institucionet përgjegjëse, dërgimi i letërporosive, janë disa nga faktorët që ndikojnë drejtëpërdrejt në cilësinë e hetimeve, në zgjatjen e hetimeve, vështirësive në evidentimin e saktë të pasurive me burim të paligjshëm dhe provueshmërisë së krijimit të saj në rrugë kriminale, si dhe në pamundësinë e dërgimit në gjyq të një numri të kënaqshëm të procedimeve të filluara në lidhje me këtë vepër penale.

- Nga procedimet penale të hetuara gjatë vitit 2019, në mbi 36 (tridhjetë e gjashtë) procedime penale për vepra të ndryshme të rënda, janë hetuar me metodat speciale të hetimit, duke zhvilluar hetime proaktive (përgjime ambjentale e telefonike, vëzhgime, blerje e simuluar, e metoda të tjera speciale, etj) dhe duke dhënë rezultate të kënaqshme dhe në rritje, pasi pjesa më e madhe e këtyre procedimeve janë dërguar për gjykim me akuzat përkatëse, ndërsa pjesa tjetër vijon të jetë në hetim.
- Në lidhje me masat e dënimit për procedimet penale në lidhje me veprat penale në fushën e korrupsionit, në fushën e narkotikëve, në fushën e shpërdorimit të detyrës apo krimet kundër personit, është kërkuar dhe janë udhëzuar prokurorët për të kërkuar masa dënimi të ashpra dhe politikë të ashpër penale, si rregull mbi mesatarën kur nuk ka patur rrethana lehtësuese objektive. Janë orientuar prokurorët dhe nga ana e tyre janë kërkuar përgjithësisht zbatimi i masës së sigurimit « arrest në burg » për këto vepra penale dhe gjithashtu në gjykim janë kërkuar masa të ashpra dënimi dhe në disa raste edhe zbatimi i dënimeve plotësuese.
- Në lidhje me pasuritë e sekuestruara, gjatë vitit 2019, është vendosur masa e sekuestros pasurore «Sekuestro preventive» mbi pasuritë e disa personave të dyshuar, në kuadër të 2 (dy) procedimeve penale të viteve të mëparshme. Ndërsa për procedimet e filluara në vitin 2019, në një rast është kërkuar dhe është vendosur sekuestro preventive mbi pasuritë objekt hetimi. Aktualisht ky procedim penal vijon të jetë në hetim. Nuk ka pasur raste të konfiskimeve të pasurisë në lidhje me sekuestrot preventive.

➤ **Në lidhje me forcimin e respektimit e të drejtave të njeriut:**

- Gjatë vitit 2019, është synuar dhe nxitur që puna e Prokurorëve dhe e oficerëve të policisë gjyqësore të kryhet në përputhje të plotë dhe në respektim të lirive dhe të drejtave të njeriut. Kjo duke pasur parasysh të parimet themelore të legjislacionit penal dhe proceduralo penal. Është synuar drejt kryerjes së hetimeve të shpejta dhe sa më të plota, duke pasur parasysh edhe vështirësitë e krijuara nga mungesat në strukturën e prokurorisë dhe policisë, vonesat në marrjen e përgjigjeve nga institucione të ndryshme dhe mungesat e ekspertëve të fushave të ndryshme, etj.
- Gjatë vitit 2019, nga ana e Prokurorisë pranë Gjykatës së Shkallës së Parë Shkodër, janë përfunduar hetimet dhe janë dërguar në gjykatë rreth 105 (njëqind e pesë) procedime penale me marrëveshje mbi pranimin e fajësisë së të pandehurit dhe caktimin e dënimit (*megjithë procedimet e mbartura janë 145 procedime penale të gjykuara me marrëveshje mbi pranimin e fajësisë*), kryesisht këto në lidhje me veprat penale të parashikuara nga nenet 137, 199/a, 204, 205, 242, 277, 290/1, 291 të K.Penal. Në pjesën dërmuese të tyre këto marrëveshje janë pranuar nga gjykata, ndërsa në 10 (dhjetë) raste janë refuzuar nga gjykata, kryesisht për mos paraqitje të të pandehurit dhe në ndonjë rast në lidhje me pikat e marrëveshjes apo masën e llojin e dënimit. Procedimet penale

të dërguara me marrëveshje në gjykatë bëjnë fjalë për vepra penale me rrezikshmëri të ulët dhe për të cilat gjykata ka krijuar një lloj praktike të dënimit të tyre me aplikimin e dënimeve alternative të parashikuara nga nenet 59 deri 63 të Kodit Penal.

- Gjithashtu, rreth 12 (dymbëdhjetë) procedime penale janë dërguar në gjykatë me urdhër penal, këto për veprat penale «Plagosje e lehtë me dashje», «Mosbindje ndaj urdhërit të punonjësit të policisë së rendit publik » dhe « Kalimi i paligjshëm i kufirit shtetëror » të parashikuara nga nenet 89, 242 dhe 297 të Kodit Penal. Këto urdhëra në 11 (njëmbëdhjetë) raste janë miratuar nga Gjykata dhe vetëm në një rast është refuzuar miratimi.
- Gjithashtu, mbi 11 (njëmbëdhjetë) procedime penale janë dërguar në gjykatë me procedurën e gjykimit të drejtëpërdrejtë, për të cilat gjykata ka vendosur pranimin e tyre për të proceduar me gjykim të drejtëpërdrejtë pamvarësisht qëndrimit të mbajtur për vlerësimin e arresteve dhe masën e sigurimit.
- Në lidhje me hetimin dhe gjykimin e personave të mitur është synuar gjithmonë në drejtim të respektimit të të drejtave dhe garancive procedurale të të miturve. Gjithashtu, është synuar në ndërgjegjësimin e policisë gjyqësore në respektimin e këtyre të drejtave dhe garancive që në fazën e hetimeve të para e në vijim, si dhe gjatë gjykimit të këtyre veprave penale. Është hasur në vështirësi në asistimin e të miturve nga psikologë, në rastet e veprimeve hetimore në orët e vona të natës apo në rastet e procedimeve penale të ardhura për kompetencë lëndore nga rrethet e tjera.
- Nga procedimet penale të dërguara për gjykim, në 387 (treqind e tetëdhjetë e shtatë) raste është kërkuar aplikimi i dënimeve alternative nenet 53, 59, 63 të K.Penal, kjo duke pasur parasysh natyrën e vepres penale, rrezikshmërinë e pakët të vepres penale dhe të autorit, personalitetin e tij dhe rrethanat lehtësuese. Aplikimi i dënimeve alternative është kërkuar në rastet e veprave penale me rrezikshmëri të vogël
- Gjithashtu, në rastet e hetimit të veprave penale në marrëdhëniet familjare « Dhunë në familje », « Braktisja e të miturit », apo në lidhje me krimet seksuale dhe kundër moralit është kërkuar aplikimi i masave të ashpra të sigurimit, sigurimi i një mbrojtje dhe mbështetje për viktimat e këtyre veprave penale dhe zbatimi i një politike penale të ashpër për autorët e këtyre veprave penale.
- Edhe për sa i përket veprave penale që prekin zgjedhjet e lira, të evidentuara kryesisht në periudhën para dhe pas datës 30.06.2019, është organizuar një puna dhe janë orientuar paraprakisht prokurorët dhe oficerët e policisë gjyqësore të caktuar në gadishmërinë e periudhës zgjedhore për kryerjen e veprimeve të shpejta hetimore dhe efektive dhe zbatimin e masave të duhura të sigurimit ndaj shkelësve dhe autorëve të këtyre veprave penale. Gjatë kësaj periudhe janë rregjistruar 6 (gjashtë) procedime penale në lidhje me veprat penale të parashikuara nga nenet 325, 326, 330 të K.Penal, ku një pjesë janë përfunduar hetimet. Dy nga këta procedime janë pushuar për mungesë provash. Ndërsa është dërguar për gjykim një procedim por për vepra të tjera penale në lidhje me nenin 236 të K.Penal, etj. Vazhdojnë hetimet për procedimet e tjera për shkak të vonësive në ardhjen e përgjigjeve nga institucionet vendore lokale por edhe nga institucionet qendrore.

- Problematika vërehen në hetimin e vepres penale të «Vjedhjes», parashikuar nga neni 134 të K.Penal, si një nga veprat më të përhapura në rrethin tonë por edhe në të gjithë vendin tonë. Në lidhje me këtë veper penale gjatë vitit 2019, janë rregjistruar 243 procedime penale dhe 79 procedime penale janë mbartur nga viti i mëparshëm. Nga këto procedime, për 44 prej tyre është paraqitur kërkesë për pushimin e çështjes. Në 169 raste është vendosur pezullimi i hetimeve për moszbulim autori. 29 procedime penale me 29 të pandehur janë dërguar për gjykim dhe një procedim penale është transferuar. Vijnë hetimet për 106 procedime penale. Kjo është një vepër problematike si për numrin e procedimeve penale të rregjistruara, ashtu edhe për cilësinë e ulët të veprimeve të para hetimore dhe zbulueshmërinë apo identifikimin e autorëve të kësaj vepre penale në vijim të hetimeve.

➤ **Të miturit dhe grupet vulnerabel, si të pandehur dhe viktima**

- Mbrojtja e të drejtave e të miturve në procesin penal ka qenë dhe mbetet një sfidë për tu realizuar. Me hyrjen në fuqi të ligjit Nr.37, viti 2017, “Kodi i Drejtësisë Penale për të Mitur”, dolën detyra dhe problematika të reja për prokurorët dhe oficerët e policisë gjyqësore, si në kuptimin ashtu edhe në implementimin e plotë të këtij ligji në drejtim të kësaj kategorie subjektesh.
- Në zbatim të parashikimeve ligjore është krijuar Seksioni i të Miturve, i cili ka funksionuar edhe më përpara por me organizim dhe kompetenca të ndryshme dhe të reduktuara. Seksioni përbëhet nga 3 (tre) prokurorë dhe 3 (tre) oficer të policisë gjyqësore. Në vijimësi, janë udhëzuar dhe orientuar prokurorët dhe oficerët jo vetëm në zbatimin e parashikimeve ligjore por edhe në zbatimin dhe përqëndrimin edhe në urdhërat dhe udhëzimet e Prokurorit të Përgjithshëm “*Për hetimin e veprave penale ku i mituri përfshihet si i pandehur person nën hetim, i dëmtuar, viktimë e vepres penale ose edhe si dëshmitar*”, duke siguruar pjesëmarrjen e psikologut gjatë hetimit, si asistues i të miturit ashtu edhe në kryerjen e raportit psikologjik për të miturin gjatë hetimeve, si dhe është orientuar në drejtim të ruajtjes së sekretit të informacionit dhe ndalimi i publikimit të akteve hetimore dhe provave të mbledhura nga policia gjyqësore, në rastet e hetimeve në ngarkim të pandehurve të mitur.
- Gjatë vitit 2019, janë rregjistruar 26 (njëzet e gjashtë) procedime penale me persona të dyshuar të mitur. Nga këto procedime në 13 (trembëdhjetë) raste është marrë vendim për shmagien e të miturit nga procedimi penal dhe në 5 (pesë) raste të tjera është marrë vendim për pushimin e procedimit penal për shkaqe të tjera. Ndërsa 5 (pesë) procedime penale janë dërguar për gjykim. Për, 3 (tre) procedime penale vazhdojnë hetimet. Në të gjitha procedimet penale të dërguara në gjykim me persona të mitur janë aplikuar dënimet alternative, të parashikuara nga nenet 59-63 të Kodit Penal dhe dispozitat e Kodit të Drejtësisë Penale për të Mitur. Në të gjitha rastet është synuar shmangia e masës së sigurimit «arrest në burg» për personat e dyshuar të mitur pasi, në asnjë rast nuk është aplikuar kjo masë sigurimi.
- Gjithashtu, është kërkuar kryerja e veprimeve të shpejta hetimore në rastin e hetimeve me persona të mitur të dyshuar por edhe në rastet kur kanë qenë në pozitën e viktimave të vepres penale. Është hasur vështirësi në rastet e procedimeve penale me pesona të mitur të ardhur për kompetencë nga prokuroritë e rretheve të tjera (*deri në momentin e marrjes së vendimeve për zgjidhjen e kompetencës nga Prokurori i Përgjithshëm*), kjo

për shkak të zbatimit të parashikimeve të mëparshme për seksionet e të miturve, ku për shkak të afateve të hetimit nga prokuroritë e rretheve, zvarritja e hetimit e shkaktuar nga ardhja e dosjes për kompetencë, largësia me personat nën hetim dhe dëshmitarët, mundësia e komunikimit me ata dhe kryerja e akteve të vlerësimit psikologjik nga zyrat vendore të shërbimit të provës në rrethe kanë cënuar në disa raste mundësinë e kryerjes së hetimeve të shpejta.

- Në lidhje me hetimin dhe gjykimin e personave të mitur qoftë si persona nën hetim, si të pandehur ashtu edhe si viktima të veprave penale është synuar gjithmonë në drejtim të respektimit të të drejtave dhe garancive procedurale të të miturve, duke respektuar të gjitha garancitë e parashikuara në Kodin e Drejtësisë Penale për të Mitur dhe aktet e tjera ligjore dhe nën ligjore. Janë nxitur dhe orientuar prokurorët dhe oficerët e policisë gjyqësore në ndërgjegjësimin e tyre në drejtim të respektimit të të drejtave dhe ofrimit të të gjitha garancive ligjore që në fazën e hetimeve të para e në vijim, si dhe gjatë gjykimin të këtyre veprave penale.
- Nga ana tjetër duhet pranuar se është hasur në vështirësi në asistimin e të miturve nga psikologë, në rastet e veprimeve hetimore në orët e vona të natës apo në rastet e procedimeve penale të ardhura për kompetencë lëndore nga rrethet e tjera, sidomos në ato rrethe ku numri i psikologëve është i vogël apo nuk ka fare psikologë.

➤ **Në lidhje me forcimin e bashkëpunimit ndërinstitucional:**

- Gjatë këtij viti, kemi patur një bashkëpunim të ngushtë dhe efektiv me të gjitha shërbimet e Policisë Gjyqësore, si të Prokurorisë, ashtu të Drejtorisë Vendore të Policisë Shkodër dhe Komisariateve, në Drejtorinë Rajonale për Kufirin dhe Migracionin, si dhe Shërbimin e Çështjeve të Brendshme dhe Ankesat, me Shërbimin e Informativ Shtetëror, me policinë gjyqësore të Doganave dhe të Hetimit Tatimor, me Drejtorinë e Përgjithshme të Policisë së Shtetit, etj. Ku si rrjedhojë e këtij bashkëpunimi janë kryer hetime në vijimësi duke përdorur edhe metodat speciale të hetimit në disa raste.
- Është kërkuar dhe kemi pasur bashkëpunim të kënaqshëm me organet vendore Bashkitë Shkodër, Malësi e Madhe dhe Vau Dejës (në vecanti në lidhje me hetimin e veprave penale të parashikuara nga neni 199/a të K.Penal), Prefektin, me njësitë administrative, ZVRPP, Tatimet. Bashkëpunim shumë i mirë dhe në rritje kemi pasur me Drejtorinë e Përgjithshme të Burgjeve, Zyrat Përmbartimore, me Zyrën Vendore të Shërbimit të Provës, Drejtorinë e Shërbimit të Kontrollit të Brendshëm në Sistemin e Burgjeve, Institutin e Policisë Shkencore dhe Institutin e Mjekësisë Ligjore, etj.
- Në mbledhjet, takimet dhe analizat e zhvilluara me këto polici dhe me drejtuesit e tyre është insistuar në rritjen e efikasitetit dhe cilësisë së hetimeve, krijimin e grupeve hetimore efektive në rastin e hetimeve të veprave të rënda penale, komplekse apo me numër të madh veprimesh. Numri i procedimeve e hetimeve pasurore për vitin 2019, ka qenë 34 (tridhjetë e katër), kryesisht pjesa dërrmuese e tyre të ardhura për kompetencë nga Prokuroria për Krime të Rënda Tiranë. Gjatë këtij viti ka pasur 1 (një) kallëzim penal të ardhur nga ILDKPKI i rregjistruar procedim penal me nr.225/2019 dhe në vijim i dërguar për kompetencë në Prokurorinë pranë Gjykatës së Shkallës së Parë Tiranë. Gjithashtu, ka pasur 1 (një) kallëzim penal të ardhur nga KLSH, i rregjistruar më pas si procedim penal nr.1521/2019, i cili aktualisht është në hetim.

Gjatë këtij viti nuk ka pasur kallëzime dhe materiale të dërguara nga Prokuroria e Përgjithshme në zbatim të ligjit nr.138/2015 (dekriminalizimi).

- Në vijimësi gjatë këtij viti, prokurorët dhe oficerët e policisë gjyqësore kanë ndjekur vazhdimisht seminare dhe trajnime sipas profileve të punës së tyre në seksione, por edhe trajnime të vlerësuar sipas nevojës së tyre dhe gjithashtu trajnimet në fushën e «Pastrimit të produkteve të vepres penale ose veprimtarsisë kriminale» dhe Korrupsionit, etj.
- Organizimi i seminareve dhe trajnimeve si të prokurorëve ashtu edhe të oficerëve të policisë gjyqësore në fushën e drejtësisë penale për të mitur vlerësohet i domosdoshëm me qëllim kryerjen e hetimeve të shpejta dhe cilësore dhe garantimin e të drejtave të këtyre subjekteve. Gjithashtu, vlerësohet e nevojshme shtimin e seminareve dhe trajnimeve në lidhje me ndryshimet e Kodit Penal dhe Kodit të Procedurës Penale, si dhe trajnimet me veprat dhe grupveprat, të cilat i kanë kaluar për kompetencë prokurorive të rretheve nga Prokuroria për Krime të Rënda, si trafikimi i narkotikëve, trafikimi i personave, hetimet pasurore, etj.
- Bashkëpunimi me policinë e shtetit, është një bashkëpunim, që ka një rol kryesor dhe domethënës në luftën ndaj kriminalitetit. Kjo, pasi përgjithësisht policia e shtetit, që gjendet e para në vendngjarje, si dhe referon pjesën më të madhe të materialeve hetimore në prokurori. Bashkëpunimi me Drejtorinë Vendore të Policisë Shkodër dhe Komisaritet në përgjithësi gjatë gjithë vitit 2019 ka qenë i ngushtë, për t'u vlerësuar dhe përgjithësisht dhe frytdhënës. Në vijimësi janë zhvilluar takime dhe analiza të përbashkëta, me përfaqësues të policisë së shtetit, për çështje të natyrës së veçantë (sipas procedimeve penale konkrete) apo edhe për çështje të përgjithshme të bashkëpunimit, nxitjen e hetimeve të plota dhe të shpejta, shkëmbimit të informacionit në kohë reale, etj. Nga ana tjetër, vlerësojmë të domosdoshme kryerjen e trajnimeve për oficerët e shërbimeve në fushat sipas seksioneve ku ata kryejnë detyrën me qëllim rritjen e tyre profesionale dhe rritjen e cilësisë dhe shpejtësisë së hetimeve dhe shmangien e akteve të pavlefshme, të papërdorshme apo të dobëta. Gjithashtu, bashkëpunimi ka synuar edhe në rifillimin e hetimeve të një sërë dosjesh të pezulluara në vitet e mëparshme, si për vepra të rënda ashtu edhe për vepra të tjera, me qëllim plotësimin e tyre dhe zbulimin e autorëve para përfundimit të afateve të parashkrimit.
- Siç, rezulton nga të dhënat e përgjithshme dhe analiza, rezulton se rastet e hetimeve të filluara kryesisht nga prokurorët, mbeten të ulëta. Ky fakt i ndikuar shumë edhe nga ngarkesa e madhe e çështjeve në hetim dhe gjykim, të shkaktuara nga numri i vogël i prokurorëve, po ashtu ka ndikuar edhe nga ngarkesa, profesionalizmi dhe puna jo në nivelin e duhur e policisë gjyqësore. Në rastet kur prokurorët kanë konstatuar vetë fakte penale apo dyshime kanë orientuar menjëherë oficerët që të verifikojnë rastet me qëllim fillimin kryesisht të rasteve të dyshimta. Pamvarësisht kësaj, mbetet një problematik që kërkon nxitje të mëtejshme në drejtim të rritjes së numrit të procedimeve penale të filluara kryesisht.
- Në këtë analizë vlen të përmendim, se sa i përket bashkëpunimit me agjensitë e ndryshme ligjzbatuese, nga këto agjensi duhet të bëhen përpjekje maksimale që të rriten referimet për kryerje veprash penale.

- Gjithashtu në funksion të hetimeve të shpejta dhe forcimit të masave ndëshkuese nga prokuroria për veprat penale në fushën e mjedisit, me qëllim shmangien e katastrofave mjedisore dhe parandalimin e dëmtimit të mjedisit, gjatë vitit 2019 duhet të rritet bashkëpunimi me Inspektoratin Shtetëror të Mjedisit, Pyjeve dhe Ujërave, si dhe me drejtoritë përkatëse në Bashkitë në juridiksionin tonë, për të bërë të mundur rritjen e numrit të procedimeve penale në këtë fushë, si dhe rritjen e cilësisë së hetimeve të veprave penale në fushën e mjedisit dhe parandalimin e dëmtimeve në mjedis.
- Në punë deri diku e mirë është bërë, në drejtim të hetimit dhe rritjes së bashkëpunimit me institucionet dhe instancat përkatëse përsa i përket luftës ndaj dhunës me bazë gjinore, apo sigurimin e të drejtave më të përforcuara ndaj të miturve. Në lidhje me veprën më të përhapur përsa i përket këtyre grupveprave, “Dhuna në familje” parashikuar nga neni 130/a të K.Penal, gjatë këtij viti janë rregjistruar 59 procedime penale të reja dhe janë mbartur 18 procedime penale nga viti 2018. Nga këto procedime penale 13 raste është kërkuar në gjykatë pushimi i tyre. Nuk ka pasur raste të pezulluara apo të transferuara. Ndërsa 49 procedime penale me 49 të pandehur, që përbën mbi 75 % të procedimeve të rregjistruara janë dërguar për gjykim. Ku në numrin me të madh të rasteve, e sidomos për nenin 130/a/4 të K.Penal, është kërkuar masa e sigurimit arrest në burg dhe në konkluzionet përfundimtare është kërkuar dënim me burgim për dhunuesit dhe në përgjithësi kemi gjetur edhe mbështetjen e gjykatës si për masat e sigurimit ashtu edhe për masën dhe llojin e dënimit.
- Në punën e tyre gjatë kryerjes së veprimeve hetimore dhe verifikuese, prokurorët dhe oficerët e policisë gjyqësore, kanë shfrytëzuar në maksimum bashkëpunimin me agjensitë e tjera ligjzbatuese, me institucionet e ndryshme shtetërore, siç janë për t’u theksuar Drejtoria e Parandalimit të Pastrimit të Parave, Agjencia Shtetërore e Kadastrës (ZVRPP dhe ALUIZNI), Operatori i Shpërndarjes së Energjisë Elektrike, Drejtoritë përkatëse në Bashkitë, Inspektoriatet përkatëse të Mjedisit, Pyjeve, të Ndërtimit, Policisë Shkencore, Mjekësisë Ligjore, Hetimit Tatimor, Doganave, Institucionet e tjera në varësi të Ministrive përkatëse, etj.
- Një bashkëpunim i ngushtë ka qenë dhe me Prokurorinë e Përgjithshme dhe Drejtoritë përkatëse të saj, me Këshillin e Lartë të Prokurorisë, ku janë administruar dhe zbatuar urdhërat, udhëzimet dhe vendimet e tyre dhe nga ana tjetër janë adresuar kërkesat dhe ankesat për zgjidhje në vijimësi duke konstatuar një mbështetje dhe bashkëpunim në rritje dhe inkurajues për të ardhmen.
- Nga Prokuroria pranë Gjykatës së Shkallës së Parë Shkodër është synuar dhe treguar një kujdes i vecantë në lidhje me kthimin e përgjigjeve, dërgimin e informacioneve, akteve dhe dokumentacionit të kërkuar nga Drejtoritë në Prokurorinë e Përgjithshme si dhe nga Komisioni i Pavarur i Kualifikimit dhe Komisioni i Pavarur i Apelit.
- Bashkëpunim i shumë i mirë dhe në rritje kemi pasur me Prokurorinë e Apelit Shkodër dhe me prokuroritë e rretheve e në veçanti me prokuroritë në juridiksionin e Prokurorisë së Apelit. Kjo në lidhje me ankimet e bëra dhe me mundësinë e bërjes së ankimeve shtesë, për njoftimet e seancave në apel apo vendimet e marra nga Gjykata e Apelit Shkodër, si dhe nga ana tjetër në lidhje me procedimet e ardhura apo ato të dërguara për kompetencë, etj.

- Me qëllim rritjen e cilësisë së hetimit dhe përfaqësimit në gjykim, është synuar dhe nxitur bashkëpunimi i ngushtë me Gjykatën e Rrethit Gjyqësor Shkodër dhe me Gjykatën e Apelit Shkodër. Në veçanti është rritur bashkëpunimi me Gjykatën e Rrethit Gjyqësor Shkodër, përsa i përket paraqitjes në kohë dhe shqyrtimit të kërkesave të hetimeve paraprake, me qëllim bërjen e kërkesave të sakta dhe të plota, gjykimit në kohë të tyre dhe shmangien e rasteve të cënimit të sekretit hetimor. Gjithashtu, ka pasur komunikime të vazhdueshme në lidhje me përfaqësimin në gjykim të çështjeve penale si në fazën e seancës paraprake ashtu edhe në gjykimin në themel, si dhe kërkesat e tjera në fazën e gjykimit apo të ekzekutimit të vendimeve. Prokurorët janë nxitur në drejtim të respektimit të disiplinës, procedurës gjyqësore, solemnitetit në gjykim dhe shmangies së problematikave të zvarritjes së gjykimit, shtyrjes apo mungesës në seanca gjyqësore apo mosrespektimit të detyrimeve procedurale dhe solemnitetit, etj.
- Një bashkëpunim i ngushtë gjatë vitit 2019 ka qenë edhe me Shkollën e Magjistraturës, ku nga prokurorët në vazhdimësi është ndjekur procesi i trajnimit vazhdueshëm, me qëllim rritjen e tyre profesionale dhe specializimin sipas seksioneve apo njohjen më të mirë dh zbatim të legjislacionit penal në tërësi.
- Në zbatim të urdhërit nr.140 datë 03.09.2019 të Prokurorit të Përgjithshëm “Për miratimin e rregullores “Për mbrojtjen e të dhënave personale në shkëmbimin e informacionit me EUROJUST”, nga Drejtuesi i Prokurorisë janë marrë të gjitha masat për njohjen dhe zbatimin e kësaj rregullore si nga prokurorët, ashtu edhe nga oficerët e policisë gjyqësore dhe personeli i prokurorisë.
- Në zbatim të Udhëzimit të Përgjithshëm nr.9 datë 10.12.2019, të Prokurorit të Përgjithshëm “Mbi masat administrative dhe procedurale në Prokurorinë e Shkallës së Parë për Krime të Rënda dhe Prokuroritë e Shkallës së Parë të juridiksionit të përgjithshëm me fillimin e funksionimit të Prokurorisë së Posaçme”, nga prokurorët e kësaj prokurorie janë marrë masat përkatëse për evidentimin e procedimeve penale që do të kalonin për kompetencë lëndore në Prokurorinë e Posaçme dhe dërgimin e një pjese të konsiderueshme të tyre për kompetencë pranë Prokurorisë së Posaçme. Një pjesë e këtyre procedimeve kanë mbetur për tu dërguar për kompetencë lëndore në Prokurorinë e Posaçme gjatë vitit 2020, të cilat janë dërguar gjatë muajit janar 2020 e në vijim dhe një pjesë është në shqyrtim, duke pasur parasysh kohën e krijimit dhe funksionit të kësaj prokurorie (datë 19.12.2019).
- Gjithashtu në zbatim të këtij udhëzimi janë marrë masat përkatëse për marrjen në dorëzim të çështjeve penale dhe çështjeve të hetimit pasuror (rreth 34 procedime të hetimit pasuror), të dërguara për kompetencë lëndore nga Prokuroria pranë Gjykatës së Shkallës së Parë për Krime të Rënda Tiranë. Çështjet penale të ardhura për moskompetencë lëndore janë regjistruar menjëherë në regjistrin e procedimeve penale dhe është bërë shpërndarja e tyre me short ose me caktim prokurorëve të kësaj prokurorie në rastet kur janë kryer veprime të mëparshme, për të vazhduar hetimet paraprake në vijimësi.

➤ **Përdorimi i metodave speciale në hetim dhe hetimet proaktive**

- Gjatë këtij viti janë përdorur metoda speciale të hetimit në rreth 36 procedime penale, por veprime me metoda speciale hetimi të reduktuara janë përdorur edhe në një numër

të konsiderueshëm procedimesh të tjera penale. Kryesisht në hetimet për mbajtje dhe shitje të lëndëve narkotike, kultivimit të bimëve narkotike, trafiket, krimet kunder jetës, shpërdorimit të detyrës dhe pastrimit të produkteve të vepres penale, etj. Ku janë kryer një numer i konsiderueshëm përgjimesh telefonike, ambientale, vëzhgimesh, si dhe në disa raste janë aplikuar veprimet simuluese, blerja e simuluar, etj.

- Gjithashtu shqetësim mbetet mbështetja nga Drejtoria e Përgjithshme e Policisë së Shtetit, nga Drejtoritë në varësi të saj në rastet e kryerjes së vëzhgimeve ambientale, veprimeve simuluese në vazhdimësi dhe gjithashtu bashkërendimi i punës mes policisë gjyqësore që ndjek veprimet në terren me qëndrën kombëtare të përgjimeve, ku kjo e fundit në shumicën e rasteve nuk kryen transkriptimin e plotë të bisedave duke sjellë mungesë efikasitetin e administrimit dhe përdorimit në kohë reale të këtyre të dhënave. Edhe në disa raste dekonspirimi është një faktor shqetësues në lidhje me kryerjen e këtyre veprimeve hetimore.
- Gjatë vitit 2019, një nga rastet e suksesshme, të hetuar dhe dërguar për gjykim ka qenë procedimi penal nr.607, i filluar në vitin 2018. Hetimet lidhur me këtë rast kanë filluar në Mars 2018 dhe janë përfunduar në Mars 2019. Ky hetim ka filluar mbi bazën e informacionit të agjensive ligjzbatuese, është hetuar për një periudhë një vjecare duke u përdorur metoda të ndryshme hetimi, kryesisht ato proaktive si përgjime telefonike/ambientale, vëzhgime, si dhe sekuestrike, kontrole, etj. Ky procedim penal është finalizuar me sukses, duke i njoftuar akuzën 14 të pandehurve, punonjës të ZRPP-së (Drejtori dhe juristë), si dhe persona të tjerë që kanë ndërvepruar, për veprat penale të parashikuara nga nenet 248, 259, 245 etj.
- Po ashtu, gjatë vitit 2019, janë hetuar dhe dërguar për gjykim dy punonjës të MZSH-së, për veprën penale 186/3 të K.Penal, procedimi nr.1731/2018, i cili është filluar gjithashtu bazuar në informacionin e agjensive ligjzbatuese.
- Procedimi penale nr.869/2019, për llogari të të cilit janë kryer një sërë veprimesh hetimore, kontrole me vendim gjykate, sekuestrike, etj. I dyshuari është dërguar për gjykim për veprat penale të parashikuara nga neni 180/1 të K.Penal, etj. Për tu theksuar është se në këtë procedim kemi pasur mbështetjen maksimale të Gjykatës së Apelit Shkodër, e cila ashtu si ne ka vlerësuar rrezikshmërinë e subjektit dhe veprës penale, duke na përkrahur në ankimet e bëra për masat e sigurimit, por ndërkohë nuk kemi pasur mbështetjen e Gjykatës së Shkallës së Parë dhe të Prokurorisë së Apelit, të cilat kanë bërë që subjekti, një person recidivist dhe në pozita mohuese, I dyshuar për vepra penale shoqërisht të rrezikshme, të hetohet në gjendje të lirë.
- Po ashtu gjatë vitit 2019 janë hetuar dhe procedime penale të tjera, të vitit 2018 dhe 2019, bazuar në informacionet e marra nga agjensitë ligjzbatuese, por duhet theksuar se disa prej tyre kanë dështuar për shkak të dekonspirimit të hetimit dhe kanë qenë shkak determinant që ka ndikuar në pushimin e këtyre procedimeve. Këto fakte janë pasqyruar në informacione të veçanta si dhe në kërkesat përkatëse për pushim.
- Gjithashtu gjatë vitit 2019 janë regjistruar dy procedime të tjera penale, 1044 dhe 1609, për veprat e parashikuara nga nenet 248 dhe 172 të K.Penal, të referuara sërish nga agjensitë ligjzbatuese, të cilat janë akoma në hetim, por nuk kanë premisë për një konkludim të sukseshëm, kjo referuar rezultatit të përgjimeve, nga ku del qartazi se hetimet janë dëmtuar nga subjektet që kanë marrë dijëni rreth këtyre procedimeve për

shkak të detyrës apo rolit që kanë pasur në këto procedime. Për secilin rast do konkludohet së shpejti me vendimmarrje dhe do informohen autoritetet përkatëse për ndjekjen e mëtejshme.

➤ **Informacion statistikor mbi çështjet penale që lidhen me procesin e verifikimit të integritetit të personave që zgjidhen, emërohen ose ushtrojnë funksione publike.**

- Lidhur me hetimin e veprave penale që lidhen me procesin e verifikimit të integritetit të personave që zgjidhen, emërohen ose ushtrojnë funksione publike, rezulton se për vitin 2019, ka pasur 1 (një) kallëzim penal të ardhur nga ILDKPKI i rregjistruar procedim penal me nr.225 viti 2019 dhe në vijim i dërguar për kompetencë në Prokurorinë pranë Gjykatës së Shkallës së Parë Tiranë. Gjithashtu, ka pasur 1 (një) kallëzim penal të ardhur nga KLSH, i rregjistruar më pas si procedimi penal nr.1521/2019, i cili aktualisht është në hetim. Gjatë këtij viti nuk ka pasur kallëzime dhe materiale të dërguara nga Prokuroria e Përgjithshme në zbatim të ligjit nr.138/2015 (dekriminalizimi).
- Numri i procedimeve e hetimeve pasurore për vitin 2019, ka qenë 34 (tridhjetë e katër), kryesisht pjesa dërrmuese e tyre të ardhura për kompetencë nga Prokuroria për Krime të Rënda Tiranë, të cilat janë rregjistruar në muajin Dhjetor 2019 dhe aktualisht vijojnë hetimet për këto procedime penale.

II. ANALIZA E TREGUESVE TË KRIMINALITETIT DHE PUNËS SË PROKURORISË PËR VITIN 2019.

- Volumi i punës në hetim;
- Çështje të përfaqësuara në gjykatë dhe mënyra e përfundimit;
- Treguesit kryesorë të punës së prokurorisë;
- Të dhëna në lidhje me njoftimet për veprat penale;
- Të dhëna në lidhje me masat e sigurimit personal e pasuror;
- Treguesit e ekzekutimeve të vendimeve gjyqësore të formës së prerë;
- Kriminaliteti sipas shtrirjes territoriale, peshës/përhapjes së veprave penale dhe tendencave të tyre;
- Kriminaliteti sipas strukturës së Kodit Penal.

➤ **Analiza e treguesve të kriminalitetit dhe punës së prokurorisë, volumi i punës në hetim.**

Gjatë vitit 2019, Prokuroria Pranë Gjykatës së Shkallës së Parë Shkodër ka funksionuar nën një organizim të ri strukturor, në përputhje me ndryshimet e bëra në ligj. Më konkretisht, mbështetur në Kushtetutën e Republikës së Shqipërisë, Ligjit Nr.7895, datë 27.01.1995 “Kodi Penal i Republikës së Shqipërisë”, i ndryshuar; Ligjit Nr.7905, datë 21.03.1995 “Kodi i Procedurës Penale i Republikës së Shqipërisë”, i ndryshuar; Ligjit Nr.97/2016 “Për organizimin

dhe funksionimin e Prokurorisë në Republikën e Shqipërisë”, Udhëzimit Nr.2, datë 19.12.2016 “Për organizimin dhe koordinimin e punës në Prokurori” të Prokurorit të Përgjithshëm, Udhëzimit Nr.3, datë 29.12.2016 “Për shpërndarjen e çështjeve në Prokurori” të Prokurorit të Përgjithshëm, është nxjerrë Urdhëri Nr.1 datë 02.02.2017, “Për organizimin dhe funksionimin e punës në Prokurorinë Pranë Gjykatës së Shkallës së Parë Shkodër”, i ndryshuar, etj.

Në bazë të urdhërit në fjalë janë krijuar tre seksione të veçanta, e konkretisht:

- *Seksioni për ndjekjen penale dhe ngritjen e akuzës në gjykim për veprat penale në fushën e krimit ekonomiko-financiar dhe korrupsionit.*
- *Seksioni për ndjekjen penale dhe ngritjen e akuzës në gjykim për veprat penale kundër jetës dhe shëndetit të personit dhe kundër rendit dhe sigurisë publike.*
- *Seksioni për ndjekjen penale dhe ngritjen e akuzës në gjykim për veprat penale të kryera nga të miturit, veprat penale kundër moralit dhe marrëdhënieve familjare dhe marrëdhëniet juridiksionale me jashtë.*
- *Si dhe zyra e ekzekutimeve të vendimeve penale dhe kërkesave gjatë fazës së ekzekutimeve.*

Në vijim është ndryshuar urdhëri në fjalë, me urdhërin e Drejtuesit të Prokurorisë me nr.01, datë 01.09.2019, “Për ri-organizimin e seksioneve në Prokurorinë pranë Gjykatës së Shkallës së Parë Shkodër”, e ndikuar edhe nga numri i procedimeve penale, numri i vogël i prokurorëve, kërkesat për heqje dorë dhe zëvendësim të prokurorëve me justifikimin e veprave penale që i përkasin seksioneve të tjera, duke u zvogëluar në dy seksione të veçanta, e konkretisht:

- *Seksioni i Përgjithshëm.*
- *Seksioni për ndjekjen penale dhe ngritjen e akuzës në gjykim për veprat penale të kryera nga të miturit apo ndaj tyre, veprat penale kundër moralit dhe marrëdhënieve familjare dhe veprat penale në fushën e qarkullimit, etj.*
- *Si dhe zyra e ekzekutimeve të vendimeve penale, marrëdhënieve juridiksionale me jashtë dhe kërkesave gjatë fazës së ekzekutimeve.*

Kjo ndarje është bërë në kushtet e organikës dhe strukturës faktike të prokurorisë dhe mbi bazën e këtyre seksioneve është bërë ndarja e prokurorëve dhe të oficerëve të policisë gjyqësore. Është pasur si qëllim që të ketë një ndarje dhe ngarkeësë pjesërisht balancuar mes seksioneve, duke marrë parasysh llojin e veprave penale në hetim dhe volumin e tyre. Gjithashtu, është synuar që edhe brenda seksioneve të kishte një ngarkesë sa më të ekuilibruar, por për arsye të ndryshme nuk është arritur të realizohet. Një ndikim kryesor ka pasur problemet dhe mosfunksionimi i sistemit CAMS për një periudhë të konsiderueshme kohe dhe gjithashtu, lëvizja e prokurorëve, largimet, komandimet dhe rikthimi në detyrë, fakte që kanë bërë që të mos ketë një ndarje të barabartë mes prokurorëve.

➤ **Treguesit statistikorë 1 vjeçar të veprave penale sipas strukturës së Kodit Penal, në hetim.**

- Gjatë vitit 2019, në Prokurorinë pranë Gjykatës së Shkallës së Parë Shkodër janë regjistruar **2244** procedime penale të reja (2151 procedime të regjistruara për herë të

parë prokuroria Shkodër dhe 93 procedime të ardhura me transferim). Janë mbartur nga viti 2018, 693 procedime penale për vepra të ndryshme penale. Gjithashtu, janë rifilluar 43 procedime penale të pezulluara në vite, për shkak të identifikimit të autorit, administrimit të letërporosive, parashkrimit të ndjekjes penale dhe shkaqe të tjera ligjore. Ndërsa për **456** materiale kallëzuese është vendosur mosfillimi i procedimit penal.

- Në total janë trajtuar gjatë vitit 2019, rreth **3470** materiale hetimore, që e përbëjnë referimet, kallëzimet penale, procedime penale të mbartura, të ardhura për kompetencë, të rifilluara dhe të rregjistruara gjatë vitit 2019. Nga këto **3014** janë procedime penale, të mbarura, të rifilluara dhe të rregjistruara rishtazi dhe 456 janë mosfillime.
- Nga këto procedime janë **përfunduar 1560 procedime penale**. Ndërsa mbetën në hetim 1454 procedime penale. Ku të vitit 2019, janë rreth 950 procedime penale, ndërsa procedimet e tjera janë të mbartura nga vitet e mëparshme, të rifilluara gjatë këtij viti. Nga procedimet e përfunduara, 335 procedime penale janë pezulluar, 496 procedime penale janë pushuar ose është paraqitur kërkesë në gjykatë për pushimin e tyre, 704 procedime penale janë dërguar për gjykim dhe 25 procedime penale është marrë vendim moskompetence.
- Numri i madh i procedimeve penale të mbetura në hetim ka ardhur për një sërë faktorësh, si nga numri i vogël i prokurorëve, nga ngarkesa e madhe që kanë me çështje në hetim dhe në gjykim. Pamundësia e kryerjes së veprimeve të shpejta hetimore nga oficerët e policisë gjyqësore. Nga numri i madh i procedimeve penale të rregjistruar në periudhën e fundit të vitit 2019, ku në dy muajt e fundit të vitit 2019, **janë rregjistruar 592 procedime penale**.
- Pjesa më e madhe e referimeve dhe kallëzimeve penale për procedimet penale të vitit 2019, i takon si zakonisht Drejtorisë Vendore të Policisë Shkodër, Komisarariatit të Policisë Shkodër, Komisarariatit të Policisë Vau Dejës dhe Komisarariatit të Policisë Malësi e Madhe. Rreth 93 procedime kanë ardhur me transferim nga Prokuroritë e Rretheve të tjera apo Prokuroria pranë Gjykatës së Shkallës së Parë për Krimeve të Rënda Tiranë dhe më pas, nga Prokuroria e Posaçme kundër Korrupsionit dhe Krimin të Organizuar. Nga ana e shtetsave ka pasur një sërë kallëzimesh penale në lidhje me cënimin e të drejtave dhe interesave të tyre që përbëjnë më pak se 10 % të referimeve të bëra.
- Gjithashtu, ka referime nga institucione të tjera si bashkitë kryesisht në lidhje me veprën penal të parashikuar nga neni 199/a të K.Penal, apo në rastet e cënimit të kompetencave apo veprimtarisë së organeve të tyre. Referime në një përqindje më të vogël janë bërë edhe nga Drejtoria Rajonale e Shërbimit të Çështjeve të Brendshme dhe Ankesave, Drejtoria e Shërbimit të Kontrollit të Brendshëm në Sistemin e Burgjeve, Drejtoria e Hetimit Tatimor Shkodër, Drejtoria Rajonale e Sigurimeve Shoqërore dhe Shëndetësore Shkodër, Drejtoria e Doganave, si dhe materiale kallëzuese të dërguara për kompetencë nga Prokuroria e Përgjithshme, etj.

- **Mosfillimet e procedimeve penale gjatë vitit 2019.**

- Nga studimi i të dhënave statistikore, rezulton se gjatë vitit 2019 është vendosur mosfillimi për **456 materiale kallzuese** apo të referuara, të cilat në krahasim me numrin e rasteve të mosfilluara në vitin 2018, është relativisht më i ulët (503).
- Nga këto, rastet kur është vendosur mosfillimi i procedimit penal lidhen me veprat penale si:
 - për vepren penale “Kanosje” në 17 raste;
 - për vepren penale “Vrasja nga pakujdesia” në 14 raste, këto janë raste që lidhen me ngjarjes aksidentale të dukshme apo vdekje për shkaqe natyrale që nuk ka pasur dyshime për veprime të kundraligjshme;
 - për vepren penale të “Plagosje e lehtë me dashje” në 11 raste;
 - për veprën penale “Shkaktimi i vetëvrasjes”, në 22 raste;
 - për vepren penale “Heqja e paligjshme e lirisë” në 17 raste, këto raste lidhen më shumë më kallëzime të familjarëve për largimin nga banesa të të afërmeve të cilët janë kthyer apo janë gjetur pas pak ditësh;
 - për vepren penale “Fyerje” në 15 raste, duke qenë një vepër që ndiqet me kërkesë në gjykatë;
 - për vepren penale “Marrja e padrejtë e fëmijës” në 9 raste, duke qenë një vepër që ndiqet me kërkesë në gjykatë;
 - për vepren penale “Dhunë në familje” në 11 raste, pasi subjektet nuk janë ata që parashikon ligji apo për shkaqe në nuk ka elementë të dhunës;
 - për vepren penale “Vjedhje” në 19 raste, ku në shumicën e raste bëhet fjalë për humbje të sendeve të ndryshme dhe jo vjedhje e tyre, ku disa prej tyre rasteve sendet janë gjetur nga të dëmtuarit;
 - për vepren penale “Mashttrim” në 11 raste, të cilat lidhet me faktin që kallëzimi ka rezultuar se lidhet me mosmarrëveshje juridiko civile mes palëve;
 - për vepren penale “Shkatërrim prone” në 10 raste, ku mungon pasoja e kërkuar nga ligji;
 - për vepren penale “Shkatërrim prone me zjarr” në 21 raste, ku ka rezultuar se bëhet fjalë për ngjarje aksidentale;
 - për vepren penale “Fshehje e të ardhurave” në 23 raste, kur ka rezultuar se kemi të bëjmë me shkelje administrative dhe jo veper penale;
 - për vepren penale “Ndërtimi i paligjshëm” në 20 raste, ku ka rezultuar se nuk ka punime të tilla që të klasifikohen si ndërtim pa leje, ose fakti është hetuar dhe dënuar një herë ose raste të amnistisë;

- për vepren penale “Shpërdorim detyre” në 33 raste, që lidhen me kallëzimi të ndryshme të shtetasve ku ka rezultuar se nuk ka elemente të një vepre penale por shkelje administrative, etj.
- për vepren penale “Vetëgjyqësi” në 8 raste ku ka rezultuar se nuk jemi para kësaj vepre penale por konflikte civile;
- për vepren penale “Shkelje e rregullave të qarkullimit rrugor”, në 53 raste, kun ë shumicën dërmuese bëhet fjalë për aksidente pa pasoja në njerëz ose me pasoja të lehta jo nga ato që kërkon domosdoshmërisht dispozita penale.

Gjithashtu, ka pasur vendime mosfillimi edhe për kallëzime që lidhen me vepra të tjera penale në një numër më të vogël, duke argumentuar mungesën e elementëve të veprës penale konkrete apo dyshimeve për to. Edhe fakti që ka pasur një ulje relative me rreth 47 vendime më pak mosfillimi, tregon synimin dhe orientimin e prokurorëve që në të gjitha rastet kur ka dyshime për vepre penale të bëhet rregjistrimi i procedimit penal dhe të kryhen veprimet e domosdoshme hetimore për të arritur të sqarimi i faktit apo i kallëzimit dhe ekzistencës ose jo të veprës penale.

Sipas ngarkesës dhe vendimarrjes së prokurorëve mosfillimet janë ndarë si më poshtë:

Prokurori	Mosfilluar
Albert Murçaj	38
Astrit Halilaj	15
Ajola Prençi	38
Arben Smaçi	51
Blerta Hamza	40
Edlira Cufi	10
Ermir Lelçi	36
Esmeralda Ndoci	10
Franceskina Lekani	36
Lazer Çardaku	43
Marsida Frasheri	30
Saimir Bahiti	8
Shqiponja Milla	1
Vate Staka	2
Federik Laloshi	3
Olgert Rumnici	2
Xhevahir Lita	93

- **Procedimet penale të pezulluara gjatë vitit 2019.**

Nga ana e Prokurorisë pranë Gjykatës së Shkallës së Parë Shkodër, gjatë vitit 2019 është vendosur **pezullimi i procedimit penal** (kryesisht për mosnjohje autori, si dhe në disa raste shkak të gjendjes së personit nën hetim) për **335 procedime penale**, që përbën rreth 21 % të procedimeve të përfunduara, të cilat në krahasim me numrin e rasteve të pezulluara në vitin 2018, janë më pak (509 procedime të pezulluara në vitin 2018). Nga këto procedime, rastet kur është vendosur pezullimi e përbëjnë në pjesën më të madhe procedimet penal për veprat penale si më poshtë:

- për veprën penale “Kanosje” në 6 raste;
- për veprën penale “Vjedhje” në 169 raste;
- për veprën penale “Vjedhje e energjisë elektrike ose impulseve telefonike”, në 21 raste;
- për veprën penale “Shkatërrim prone” në 15 raste;
- për veprën penale “Vetëgjyqësi” në 10 raste;
- për veprën penale “Kultivim i bimëve narkotike” në 41 raste;

Pezullimi është vendosur edhe për vepra të tjera, por në numër procedimesh më të pakta. Mungesa e identifikimit të autorëve ka ardhur për arsye të ndryshme, si nga veprimet e para hetimore të kryera me vonesë, largësia dhe pozicioni gjeografik i vendit të ngjarjes, si rastet e vjedhjeve apo kultivimit të bimëve narkotike në zona të thella malore, cilësia jo e mirë e hetimeve të kryera dhe mungesa e një bashkëpunimi të mirë dhe të shpejtë me përfaqësues të organeve lokale dhe me banorë të zonës, etj.

Vlerësojmë se duhet të bëhet një punë edhe më e mirë, hetimore dhe gjurmuese nga ana e policisë me qëllim uljen edhe më shumë të numrit të procedimeve penale të pezulluara dhe nga ana tjetër, rifillimin dhe hetimin duke bërë identifikimin e autorëve të vepra penale dhe procedimeve penale të pezulluara në vitet e mëparshme me qëllim ngritjen e akuzës dhe dërgimin në gjyq të autorëve para përfundimit të afateve ligjore të parashkrimit të ndjekjes penale. Kjo do të shërbejë jo vetëm rritjen së efikasitetit të ndjekjes penale, por edhe rritjen e luftës kundër kriminalitetit dhe të parandalimit të kryerjes së këtyre veprave penale në të ardhmen.

- **Procedimet penale të pushuara gjatë vitit 2019.**

Nga ana e Prokurorisë pranë Gjykatës së Shkallës së Parë Shkodër, gjatë vitit 2019 është vendosur ose është kërkuar **pushimi i procedimit penal** për **496 procedime penale**, që përbën rreth 32 % e procedimeve penale të përfunduara, të cilat në krahasim me numrin e rasteve të pushuara në vitin 2018, janë dukshëm më pak (638 procedime të pushuara në vitin 2018). Nga këto procedime penale, rastet kur është vendosur pushimi apo është kërkuar pushimi i çështjes apo akuzës në gjykatë për mungesë fakti e përbëjnë 283 procedime penale. Në 6 procedime penale është kërkuar pushimi i çështjes për mungesë prove dhe në 207 procedime të tjera është kërkuar pushimi i çështjes për shkaqe të tjera.

Nga pushimet e vitit 2019, rezulton se 80 procedime janë me vendim pushimi të prokurorit në lidhje me kundravajtje penale, kryesisht për nenet 84, 89, 273, 274, 297, etj të Kodit Penal dhe gjithashtu janë edhe vendime pushimi në rastet e zbatimit të masave të shmangies nga ndjekja penale për të miturit. Ndërsa 272 procedime penale janë me kërkesë për pushimin e çështjes në gjykatë. Rezulton se në 17 raste gjykata ka vendosur mospranimin e

kërkesës duke vendosur kthimin e akteve dhe vazhdimin e hetimeve. Ndërsa për 255 procedime penale ka vendosur pranimin e kërkesës dhe pushimin e çështjes ose të akuzës.

Përsa i përket llojit të veprave penale për të cilat është kërkuar pushimi i çështjes janë si më poshtë:

- për veprën penale të parashikuar nga neni 89 i Kodit Penal, në 14 raste, pushime që kanë ardhur si pasojë e mungesës së pasojës, tërheqjes apo heqjes dorë nga ankimi, mungesës së provave të plota të autorësisë, etj;
- për veprën penale të parashikuar nga neni 99 i Kodit Penal, në 12 raste, ku pjesa me e madhe e tyre ka rezultuar se vetëvrasja apo tentativa e vetëvrasjes ka ndodhur për shkaqe personale të viktimës (shëndetit mendor, depresionit, etj) dhe nuk lidhet me veprime apo sjellje sistematike të dhunshme të ndonjë personi të tretë;
- për veprën penale të parashikuar nga neni 130/a/1 i Kodit Penal, në 12 raste, ku rezulton se kryesisht lidhte me mungesën e provave që mbështetsin kallëzimin penal, fakti nuk lidhet me subjektet e parashikuar nga ligji apo veprimet e kallëzuara nuk përbëjnë dhunë në kuptimin penal;
- për veprën penale të parashikuar nga neni 134 i Kodit Penal, në 44 raste, kjo lidhet me rastet kur ka rezultuar se kemi të bëjmë me humbje të sendeve dhe jo vjedhje, pushim për parashkrim;
- për veprën penale të parashikuar nga neni 137 i Kodit Penal, në 24 raste, pasi nuk është bërë e mundur të provohet vjedhja e energjisë elektrike, kjo edhe për shkak të procedurave jo korrekte nga ana e punonjësve të OSHEE;
- për veprën penale të parashikuar nga neni 143 i Kodit Penal, në 11 raste, kjo lidhet me faktin se në një pjesë të rasteve ka rezultuar konflikt juridiko civil dhe jo veper penale;
- për veprën penale të parashikuar nga neni 151 i Kodit Penal, në 11 raste, kun ë shumicën e rasteve ka rezultuar ngjarje aksidentale;
- për veprën penale të parashikuar nga neni 180 i Kodit Penal, në 25 raste, kun ë shumicën e rasteve nuk janë ndjekur procedurat e duhura tatimore dhe procedurale duke bërë kallëzime penale për shkelje që parashikohen si shkelje administrative;
- për veprën penale të parashikuar nga neni 186 i Kodit Penal, në 13 raste, ku një pjesë e këtyre rasteve lidhet me akte dhe dokumente pronësie të viteve 1990, ku është parashkruar ndjekja penale;
- për veprën penale të parashikuar nga neni 199/a i Kodit Penal, në 36 raste, ku në pjesën më të madhe të tyre punimet e kryera nuk përbëjnë ndërtim pa leje ose janë rastet kur nga verifikimet ka rezultuar se ndërtimi është bërë para hyrjes në fuqi të amnitive përkatëse;
- për veprën penale të parashikuar nga neni 248 i Kodit Penal, në 33 raste, në të shumtën e rasteve kanë rezultuar shkelje administrative apo edhe raste të kallëzimeve të paplota apo pa prova e të pabaza;

- për vepren penale të parashikuar nga neni 283 i Kodit Penal, në 30 raste, ku pjesa më e madhe të tyre lidhet me rastet e kapjes së përdoruesve të lëndëve narkotike me sasi të vogla të këtyre lëndëve;
- për vepren penale të parashikuar nga neni 287 i Kodit Penal, në 14 raste, kjo ka rezultuar për shkak të referimeve të dobëta, mungesës së provave dhe problematikave në administrimin dhe identifikimin e pasurive më preardhje kriminale, etj;
- për vepren penale të parashikuar nga neni 290 i Kodit Penal, në 44 raste, ku pjesa më e madhe e tyre lidhen me rastet e mungesës së pasojës së kërkuar nga dispozita konkrete;
- për vepren penale të parashikuar nga neni 291 i Kodit Penal, në 10 raste, kërkesa për pushim në lidhje me këtë vepër penale kanë ardhur rastet e motorrave që nuk plotësojnë kushtet apo probleme me testin e alkoolit, etj;
- për vepren penale të parashikuar nga neni 297 i Kodit Penal, në 15 raste, pushimi për këtë vepër penale ka ndodhur për shkak se ka rezultuar hyrje apo dalje e rregull në PKK pas verifikimeve të sistemit apo verifikimeve në zyrat dhe rregjistrat e PKK, etj;

Pushimet e hetimeve apo kërkesa për pushimin e hetimeve kanë ardhur për shumë faktorë. Kërkesa për pushimin e hetimeve për veprat penale të parashikuara nga nenet 130/a, 180, 199/a, 248, 287, duhet të vlerësohet në tërësi nga gjithë zingjiri hetimor, me qëllim shmangien e kallëzimeve të paplota, të pabaza, si dhe nga ana tjetër, kryerjen e hetimeve më të thelluara dhe më të plota në drejtim të evidentimit të elementëve dhe provave të sakta që provojnë qoftë veprën penale ashtu edhe individualizimin e autorëve të këtyre veprave penale dhe të përgjegjësisë së tyre.

Nga procedimet penale të dërguara në gjykatë me kërkesë për pushimin e çështjes apo të akuzës nga ana e Prokurorisë pranë Gjykatës së Shkallës së Parë Shkodër, gjatë vitit 2019, janë përfunduar rreth 300 procedime penale, ku në 270 procedime penale është pranuar kërkesa e prokurorisë për pushimin e procedimit penal ndërsa në 30 procedime penale, Gjykata e Rrethit Gjyqësor ka vendosur mospranimin apo rrëzimin e kërkesës së Prokurorisë për pushimin e çështjes duke urdhëruar kthimin e dosjes dhe vijimin e hetimeve për një afat të caktuar nga këto 13 janë për procedime penale të viteve të mëparshme dhe 17 raste për procedime penale të rregjistruara në vitin 2019. Ndaj këtij vendimi është ushtruar ankim nga prokurorët e çështjeve dhe në 4 raste Gjykata e Apelit Shkodër ka pranuar kërkesën e prokurorisë duke ndryshuar vendimin e Gjykatës së Rrethit Gjyqësor Shkodër për mospranimin e kërkesës së pushimit. Ndërsa në pjesën më të madhe të rasteve rreth 15 raste ka lënë në fuqi vendimin e Gjykatës së Rrethit Gjyqësor Shkodër që ka vendosur mospranimin e kërkesës për pushimin e çështjes dhe vijimin e hetimeve.

Për këto raste, janë udhëzuar prokurorët që të kryejnë të gjitha veprimet e lëna si detyrë nga Gjykata e Rrethit Gjyqësor Shkodër dhe Gjykata e Apelit Shkodër, si dhe çdo veprim tejtër me iniciativë apo që rrjedh nga veprimet e urdhëruara dhe paraqitjen e kërkesës së re bazuar në të gjitha veprimet e kryera, si konkluzion i tyre dhe në respektim të detyrave dhe udhëzimeve të gjykatave dhe bindjes së tyre dhe në respektim të pavarësisë së tyre.

- **Procedimet penale për të cilat është vendosur moskompetenca gjatë vitit 2019.**

Nga ana e Prokurorisë pranë Gjykatës së Shkallës së Parë Shkodër, gjatë vitit 2019, janë marrë vendime për shpalljen e moskompetencës lëndore ose tokësore dhe kalimi i akteve në prokurorinë kompetente për **25 procedime penale** me 27 persona nën hetim. Këto vendime janë marrë për vepra të ndryshme penale kryesisht si më poshtë:

- 2 procedime penale me 2 persona nën hetim për nenin 141/a të K.Penal;
- 2 procedime penale me 2 persona nën hetim për nenin 190 të K.Penal;
- 5 procedime penale me 6 persona nën hetim për nenin 248 të K.Penal;
- 3 procedime penale me 3 persona nën hetim për nenin 283/a të K.Penal;

Procedimet e dërguara për kompetencë janë kryesisht në lidhje me përcaktimin e saktë të kompetencës territoriale, ose në rastet e kompetencës lëndore janë procedimet e dërguara Prokurorisë pranë Gjykatës për Krime të Rënda Tiranë dhe më pas Prokurorisë së Posaçme Kundër Korrupsionit dhe Krimin të Organizuar, në rastet e veprave penale të parashikuara nga nenet 248, 283/a, 287, 257, 259, etj, të Kodit Penal.

- **Procedimet penale të bashkuara gjatë vitit 2019.**

Nga ana e Prokurorisë pranë Gjykatës së Shkallës së Parë Shkodër, gjatë vitit 2019, janë marrë vendime për bashkimin e procedimeve penale në përputhje me parashikimet e neneve 79 e vijues të K.Pr.Penale, të ndodhura tek një prokuror apo në prokuror të ndryshëm. Në këto raste janë marrë **50 vendime për bashkimin e procedimeve** për dy ose më shumë procedime, sipas rastit, për vepra të ndryshme penale, kjo në varësi të subjektit apo lidhjes së tyre nëpërmjet provave të procedimit tjetër, etj.

- **Procedimet penale të dërguara për gjykim gjatë vitit 2019.**

Nga ana e Prokurorisë pranë Gjykatës së Shkallës së Parë Shkodër, gjatë vitit 2019, janë dërguar për gjykim **704 procedime penale** me 725 të pandehur, që përbën rreth 45 % e procedimeve penale të përfunduara, të cilat në krahasim me numrin e rasteve të pushuara në vitin 2018, janë dukshëm më pak (1082 procedime penale me 1149 të pandehur të dërguara për gjykim në vitin 2018).

Në raport me veprat penale, shpeshësinë e tyre, për të cilat procedimet penale janë dërguar për gjykim, janë si më poshtë:

- 49 procedime penale, me 49 të pandehur, janë dërguar për gjykim për veprën penale të parashikuar nga neni 130/a të Kodit Penal, kryesisht paragrafi i parë dhe i katërt i këtij neni;
- 29 procedime penale me 30 të pandehur janë dërguar në gjykim për veprën penale të parashikuar nga neni 134 të Kodit Penal;
- 87 procedime penale me 87 të pandehur janë dërguar për gjykim në lidhje me veprën penale të parashikuar nga neni 137 i Kodit Penal;
- 23 procedime penale me 23 të pandehur janë dërguar për gjykim për veprat penale të parashikuara nga nenet 180, 180/a dhe 181 të K.Penal;

- 99 procedime penale me 99 të pandehur janë dërguar për gjykim në lidhje me veprën penale të parashikuar nga neni 199/a të K.Penal;
- 10 procedime penale me 15 të pandehur janë dërguar për gjykim për veprën penale të parashikuar nga neni 248 të K.Penal;
- 18 procedime penale me 19 të pandehur janë dërguar për gjykim për veprën penale të parashikuar nga neni 278 të K.Penal.
- 18 procedime penale me 19 të pandehur janë dërguar për gjykim për veprën penale të parashikuar nga neni 283 të K.Penal.
- 42 procedime penale me 43 të pandehur janë dërguar për gjykim për veprën penale të parashikuar nga neni 290 të K.Penal.
- 131 procedime penale me 131 të pandehur janë dërguar për gjykim për veprën penale të parashikuar nga neni 291 të K.Penal.
- 58 procedime penale me 58 të pandehur janë dërguar për gjykim për veprën penale të parashikuar nga neni 297 të K.Penal.

➤ **Vlerësimet e arresteve, ndalimeve dhe caktimet e masave të sigurimit gjatë vitit 2019.**

- Nga ana e policisë gjyqësore, gjatë gjithë vitit 2019, janë kryer 356 arrestime në flagrancë dhe ndalime me iniciativë apo me urdhër të Prokurorit. Nga këto 304 janë arrestime dhe 52 janë ndalime me iniciativë dhe në zbatim të urdhërit të prokurorit. Gjithashtu, ka pasur arreste dhe ndalime edhe për procedime të mbartura nga vitet e mëparshme dhe ekzekutime të vendimeve penale të formës së prerë në lidhje me procedime penale në hetim apo në gjykim të rregjistruara në vitet e mëparshme.
- Nga këto 302 janë arrestime në flagrancë, ndërsa 38 janë ndalimet me iniciativë. Rreth 12 urdhëra ndalimesh të prokurorëve janë ekzekutuar në vijimësi.
- Gjithashtu në 58 raste janë dërguar kërkesa në gjykatë për caktim mase sigurimi, pa gjedje arrest, që janë rastet e kërkesave të caktimit të masave në mungesë të të dyshuarit apo në momentin e sigurimit të provave për autorësinë dhe rrezikut të ikjes apo të dëmtimit të provave.
- Në 2 raste, është urdhëruar lirimi i menjëhershëm i të arrestuarit për shkak të mungesës së kushteve dhe kriterëve ligjore dhe nga ana tjetër u është tërhequr vëmendja oficerëve që kanë bërë arrestimet në kundërshtim me parashikimet ligjore.
- Në 354 raste të tjera është vlerësuar të paraqitet kërkesë në gjykatë për vlerësim e arrestit në flagrancë apo të ndalimit. Ku në 4 raste është kërkuar në gjykatë vlerësimin i paligjshëm i arrestit në flagrancë, ndërsa në 20 raste Gjykata ka vendosur vleftësimin e paligjshëm të arrestit apo të ndalimit. Ndërsa në 330 raste ka vendosur vleftësimin e ligjshëm të të arrestit apo të ndalimit me iniciativë apo në ekzekutim të urdhërit të ndalimit.
- Nga ana tjetër në të gjitha rastet është kërkuar në gjykatë caktimi i një mase sigurimi. Kështu në 184 raste është kërkuar masa e sigurimit “Arrest në burg”. Në 4 raste është kërkuar masa e sigurimit arrest në burg me afat. Në 4 raste është kërkuar masa e

sigurimit arrest në burg me afat, ndërsa në 14 raste është kërkuar masa e sigurimit arrest në shtëpi. Në një rast është kërkuar garanci pasurore. Ndërsa në 99 raste është kërkuar masa e sigurimit “Detyrim për tu paraqitur në policinë gjyqësore”. Në 2 raste është kërkuar masa e sigurimit “Ndalimi i daljes jashtë shteti”. Në një rast është kërkuar masa e sigurimit “Ndalim i qëndrimit në një vend të caktuar” dhe në 1 rastë është kërkuar masa e sigurimit “Shtrim i përkohëshëm në një spital psikiatrik.

- Nga ana e Gjykatës së Rrethit Gjyqësor Shkodër, në lidhje me masat e kërkuara nga ana e Prokurorisë, ka vendosur 164 raste masën e sigurimit “arrest në burg”, në 58 raste ka vendosur masën e sigurimit arrest në burg në mungesë. Në 24 raste ka vendosur masën e sigurimit arrest në burg me afat, ndërsa në 64 raste ka vendosur masen e sigurimit “arrest në shtëpi”. Në 7 raste ka vendosur masën e sigurimit “garanci pasurore”. Në 158 raste ka vendosur masën e sigurimit “Detyrim për tu paraqitur në policinë gjyqësore. Në 2 raste ka vendosur masën e sigurimit “Ndalim i daljes jashtë shteti”. Në një rast ka vendosur masën e sigurimit “Ndalim i qëndrimit në një vend të caktuar” dhe në 1 rastë ka vendosur masën e sigurimit “Shtrim i përkohëshëm në një spital psikiatrik. Në 17 raste Gjykata e Rrethit Gjyqësor Shkodër ka vendosur mos caktimin e asnjë mase sigurie.
- Pothuajse në të gjitha rastet kur ka vendosur paligjshmerinë e arrestit në flagrancë, apo të ndalimit (20 raste) apo caktimin e një mase sigurimi më të lehtë se prokurori është ushtruar ankim në Gjykatën e Apelit Shkodër, ku janë ushtruar rreth 51 raste ankimesh për arrestin ndalimin ose llojin e masës së sigurimit. Nga ana e Gjykatës, e cila në disa prej këtyre rasteve na ka mbështetur ankimin, ndërsa në një pjesë të konsiderueshme ka lënë në fuqi vendimin e Gjykatës së Rrethit Gjyqësor Shkodër.

➤ **Masat e sigurimit arrest në burg janë kërkuar për vepra të rënda penale si më poshtë:**

- per vepren penale të parashikuar nga neni 76 të K.Penal në 1 rast;
- per vepren penale të parashikuar nga neni 78/1 të K.Penal në 9 raste;
- per vepren penale të parashikuar nga neni 130/a/4 të K.Penal në 3 raste;
- per vepren penale të parashikuar nga neni 134 të K.Penal në 4 raste;
- per vepren penale të parashikuar nga neni 143 të K.Penal në 2 raste;
- per vepren penale të parashikuar nga neni 186 të K.Penal në 3 raste;
- per vepren penale të parashikuar nga neni 236/2 të K.Penal në 2 raste;
- per vepren penale të parashikuar nga neni 259 të K.Penal në 5 raste;
- per vepren penale tëparashikuar nga neni 278 të K.Penal në 10 raste;
- per vepren penale të parashikuar nga neni 283 të K.Penal në 2 raste;
- per vepren penale të parashikuar nga neni 283/a të K.Penal në 4 raste;
- per vepren penale të parashikuar nga neni 290 të K.Penal në 2 raste;
- per vepren penale të parashikuar nga neni 323 të K.Penal në 3 raste;

Vlen për tu theksuar se në veçanti në lidhje me masën arrest në burg, në ato raste që nuk është pranuar nga gjykata rreth 26 (njëzet e gjashtë) raste, është ushtruar pothuajse në të gjitha rastet ankimi nga prokurori i çështjes në Gjykatën e Apelit Shkodër dhe në disa prej tyre kemi gjetur mbështetjen e Prokurorisë së Apelit dhe të Gjykatës së Apelit duke pranuar ankimit dhe ndryshimin e vendimit të Gjykatës së Rrethit Gjyqësor Shkodër duke caktuar masën e sigurimit “Arrest në burg” për të dyshuarit e veprave penale konkrete.

III. ANALIZA E TREGUESVE TË EFEKTIVITETIT TË PUNËS SË PROKURORISË PRANË GJYKATËS SHKALLËS PARË SHKODËR.

- Treguesi i efektivitetit në gjykimin dhe dënimin e të pandehurve;
- Të dhëna për gjykimet e posaçme;
- Të dhëna mbi llojet dhe masat e dënimeve/ kërkesa e prokurorit dhe vendimet e gjykatës;
- Të dhëna sociale dhe demografike për të pandehurit, si gjinia, mosha, arsimi, punësimi, etj;
- Të dhëna për të pandehurit e mitur, numri i procedimeve të regjistruara, numri i procedimeve të dërguara për gjykim, numrin e të pandehurve dhe personave nën hetim të mitur të regjistruar, të dërguar për gjykim, të dënuar, numër procedimesh regjistruar, masa sigurimi e denime të zbatuara, denime alternative, etj;
- Të dhëna për pasojat e veprave penale.

➤ Treguesi i efektivitetit të procedimeve penale të dërguara për gjykim gjatë vitit 2019:

Gjatë vitit 2019, nga ana e Prokurorisë pranë Gjykatës së Shkallës së Parë Shkodër, gjatë vitit 2019, janë dërguar për gjykim **704 procedime penale**, me 725 të pandehur. Gjithashtu, janë mbarur në gjykim nga viti 2018, rreth 348 procedime penale me rreth 360 të pandehur, të cilat një pjesë ka përfunduar gjatë këtij viti, ndërsa një pjesë vijon të jetë në gjykim. Këto lidhen me rastet e gjykimit të zakonshëm ku ka pasur një numër të madh dëshmitarësh dhe zvaritje në paraqitjen dhe pyetjen e tyre dhe rastet e gjykimit në mungesë, kur nga gjykata është vendosur pezullimi për 1 vit dhe ka rifilluar gjykimi me plotësimin e këtij afati gjatë këtij viti.

Nga procedimet penale të dërguara në gjykim apo të mbartura në gjykim ka përfunduar gjykimi për 225 procedime penale. Nga këto procedime penale të përfunduara është marrë vendim fajësie për 213 procedime penale me 238 persona të pandehur të dënuar. Ndërsa në 7 procedime penale është dhënë vendim pafajësie me 10 persona të marrë të pandehur. Në 4 procedime penale në gjykim është vendosur pushimi i çështjes ose i akuzës. Ndërsa në 1 rast është vendosur moskompetenca.

Vendimet e pafajësisë janë dhënë në lidhje me akuzat për veprat penale si më poshtë:

- për veprën penale të parashikuar nga neni 248 të K.Penal, në 1 rast;
- për veprën penale të parashikuar nga neni 291 të K.Penal, në 1 rast;
- për veprën penale të parashikuar nga neni 137/1 të K.Penal, në 4 raste;
- për veprën penale të parashikuar nga neni 273 të K.Penal, në 1 rast;

Vendimet e pushimit të çështjes apo të akuzës janë dhënë në lidhje me akuzat për veprat penale si më poshtë:

- për vepren penale të parashikuar nga neni 90 të K.Penal, në 1 rast;
- për vepren penale të parashikuar nga neni 291 të K.Penal, në 1 rast;
- për vepren penale të parashikuar nga neni 120 të K.Penal, në 1 rast;
- për vepren penale të parashikuar nga neni 127 të K.Penal, në 1 rast;

Është për tu theksuar se në rastet e pafajsisë dhe në rastet e pushimit të çështjes që nuk lidhen me një rrethanë detyruese të ligjit, janë udhëzuar prokurorët për ushtrimin e ankimit në Gjykatën e Apelit Shkodër ndaj vendimit të pafajsisë të Gjykatës së Shkallës së Parë Shkodër.

Nga ana e prokurorëve është ushtruar ankim ndaj vendimeve të themelit të Gjykatës së Rrethit Gjyqësor Shkodër, në 23 raste. Të cilat lidhen me rastet e pafajsisë sa më sipër, me rastet e pushimit të çështjes apo të akuzës, me rastet e ndryshimit të cilësimit juridik të faktit apo të vepres penale dhe në lidhje me masën apo llojin e dënimit, si dhe aplikimin e nenit 59 të Kodit Penal, etj.

- Nga procedimet e dërguar në gjykatë, 113 procedime penale me 120 të pandehur janë gjykuar me procedurën e gjykimit të zakonshëm.
- Ndërsa 241 procedime penale me 241 të pandehur janë gjykuar me procedurën e gjykimit të shkurtuar.
- Nga procedimet e dërguara për gjykim, janë përfunduar gjykimi 379 procedime penale. Nga këto, nga ana e prokurorëve në 5 raste është kërkuar dënim me gjobë, në masë të ndryshme sipas parashikimeve të dispozitave penale konkrete. Në 54 raste është kërkuar dënim me burgim në minimum. Në 17 raste është kërkuar dënim në mesataren e dispozitës. Në 1 rast është kërkuar dënim në maksimumin e dispozitës. Ndërsa në 308 raste është kërkuar pezullimi i dënimit me burgim sipas parashikimeve të nenit 59 të K.Penal. Ndërsa në tre rastë është kërkuara pushimi i akuzës.
- Nga ana e Gjykatës së Rrethit Gjyqësor Shkodër, procedimet e dërguara për gjykim dhe të përfunduara në raport me kërkimet e prokurorisë ka vendosur në 3 raste pushimin e akuzës, në 5 raste dënim me gjobë. Në 47 raste ka vendosur dënim me burgim në minimum. Në 15 raste ka vendosur dënim në mesataren e dispozitës. Në 1 rast ka vendosur dënim në maksimumin e dispozitës. Ndërsa në 297 raste ka vendosur pezullimin e dënimit me burgim sipas parashikimeve të nenit 59 të K.Penal. Ndërsa në 1 rastë ka vendosur aplikimin e nenit 53 të K.Penal.

➤ Gjykimet e posaçme dhe institutet e reja të gjykimit.

- Janë dërguar në gjykatë me kërkesë për gjykim të drejtëpërdrejtë 9 procedime penale me 9 të pandehur, si dhe 2 procedime penale me 2 të pandehur të vitit 2018. Të cilat janë pranuar nga gjykata, e cila ka vendosur aplikimin e kësaj procedure, ku nga ana tjetër nga ana e të pandehurit dhe mbrojtësit të tij është kërkuar aplikimi i gjykimit të shkurtuar duke preluar ky lloj gjykimi.

- Gjatë vitit 2019, nga ana e Prokurorisë pranë Gjykatës së Shkallës së Parë Shkodër, janë dërguar në gjykatë rreth 105 (njëqind e pesë) procedime penale me marrëveshje mbi pranimin e fajësisë së të pandehurit dhe caktimin e dënimit ku 89 procedime penale i përkasin vitit 2019 dhe 16 procedime penale janë të rregjistruara në vitet e mëparshme kryesisht në vitin 2018 (*megjithë procedimet e mbartura janë 135 procedime penale të gjykuara me marrëveshje mbi pranimin e fajësisë*), kryesisht këto në lidhje me veprat penale të parashikuara nga nenet 137, 199/a, 204, 205, 242, 277, 290/1, 291 të K.Penal. Në pjesën dërmuese të tyre këto marrëveshje janë pranuar nga gjykata, ndërsa në 10 (dhjetë) raste janë refuzuar nga gjykata, 8 raste i përkasin procedimeve penale të vitit 2019 dhe 2 raste procedimeve penale të vitit 2018, kryesisht mospranimi apo refuzimi i marrëveshjes është vendosur për mos paraqitje të të pandehurit dhe në ndonjë rast në lidhje me pikat e marrëveshjes apo masën e llojin e dënimit. Procedimet penale të dërguara me marrëveshje në gjykatë bëjnë fjalë për vepra penale me rrezikshmëri të ulët dhe për të cilat gjykata ka krijuar një lloj praktike të dënimit të tyre me aplikimin e dënimeve alternative të parashikuara nga nenet 59 deri 63 të Kodit Penal.
- Gjithashtu, mbi 12 (dymbëdhjetë) procedime penale janë dërguar në gjykatë me urdhër penal, nga këto janë 8 procedime penale të vitit 2019 dhe 4 procedime penale të vitit 2018. Aplikimi i gjykimit me urdhër penal është kërkuar për veprat penale «Plagosje e lehtë me dashje», «Mosbindje ndaj urdhërit të punonjësit të policisë së rendit publik » dhe « Kalimi i paligjshëm i kufirit shtetëror » të parashikuara nga nenet 89, 242 dhe 297 të Kodit Penal. Këto urdhëra në 11 (njëmbëdhjetë) raste janë miratuar nga Gjykata dhe vetëm në një rast është refuzuar miratimi.
- Vlen për tu theksuar se në lidhje me këto institute të të Kodit të Procedurës Penale duhet të ketë një nxitje të mëtejshme për përdorimin sa më të gjërë të tyre sipas parashikimeve ligjore, pasi ato japin një efekt më të shpejtë përsa i përket marrjes së vendimit dhe ndikimit qoftë tek i pandehuri qoftë edhe përsa i përket ndikimit parandalues. Gjithashtu, këto lloje gjykimesh shkurtojnë kohën e gjykimit duke lehtësuar dhe duke u dhënë më shumë kohë prokurorëve për sa i përket ushtrimit më me efikasitet të ndjekjes penale.

➤ **Procedimet penale sipas Kodit Penal Ushtarak gjatë vitit 2019.**

- Nga ana e Prokurorisë pranë Gjykatës së Shkallës së Parë Shkodër, gjatë vitit 2019 janë rregjistruar **4 procedime penale** për veprat penale të Kodit Penal Ushtarak.
- Këto procedime janë për vepren penale “Mosparaqitja e oficerëve dhe nënëoficerëve aktiv”, të parashikuara nga neni 36 i Kodit Penal Ushtarak. Nga këto procedime, 3 procedime penale me 3 të pandehur janë dërguar për gjykim për këtë vepër penale ku janë përfunduar dy procedime me vendim dënimi, ndërsa 1 procedim penal vijon të jetë në gjykim. Ndërsa për një procedim vazhdojnë hetimet. Nuk ka pasur procedime të tjera për veprat e tjera penale të Kodit Penal Ushtarak.

IV. TREGUESIT STATISTIKORË 1 VJEÇARË TË VEPRAVE PENALE SIPAS STRUKTURËS SË KODIT PENAL

Treguesit statistikorë të veprave penale sipas strukturës së Kodit Penal, për vitin 2019, ku është përcaktuar numri i procedimeve të regjistruara, numri i procedimeve të dërguara për gjykim, numri i të pandehurve nën hetim të regjistruar, numri i të pandehurve të dërguar për gjykim, numri i të pandehurve të dënuar, janë si më poshtë:

KRIMET KUNDËRJETËS TË KRYERA ME DASHJE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 76 Vrasja	7	2	2	2	1
Neni 77 Vrasja në lidhje me një krim tjetër					
Neni 78 Vrasja me paramendim	13	2	2	2	1
Neni 78/a Vrasja për gjakmarrje					
Neni 79 Vrasja në rrethana cilësuese					
Neni 79/a Vrasja e funksionarëve publikë					
Neni 79/b Vrasja e punonjësve të policisë së shtetit					
Neni 79/c Vrasja për shkak të marrëdhënieve familjare					
Neni 80	1	-	-	-	-
Neni 81 Vrasja e foshnjes					
Neni 82 Vrasja në tronditje psikike					
Neni 83 Vrasja në kapërcim të mbrojtjes së nevojshme					
Neni 83/a Kanosja për hakmarrje/ gjakmarrje					
Neni 83/b Nxitja për gjakmarrje					
Neni 84 Kanosja	51	2	2	2	-
TOTALI	72	4	4	4	2

KRIMET KUNDËRJETËS SHKAKTUAR ME PAKUJDESI	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 85 Vrasja nga pakujdesia	8	-	-	-	-
TOTALI	8	-	-	-	-

VEPRA PENALE ME DASHJE KUNDËR SHËNDETIT	2019				
	Nr. Proc Rregj.	Nr.proc grykim	Nr.pand rregj	Nr. i Pand grykim	Nr.pand dënuar
Neni 86 Tortura					
Neni 87 Tortura me pasoja të rënda					
Neni 88 Plagosja e rëndë me dashje	16	4	4	4	2
Neni 88/a Plagosja e rëndë në gjendje të tronditjes së fortë psikike					
Neni 88/b Plagosja e rëndë në kapërcim të kufijve të mbrojtjes në nevojshme					
Neni 89 Plagosja e lehtë me dashje	44	5	5	5	4
Neni 89/a					
TOTALI	60	9	9	9	6

VEPRA PENALE KUNDËR SHËNDETIT TË KRYERA ME PAKUJDESI	2019				
	Nr. Proc Rregj.	Nr.proc grykim	Nr.pand rregj	Nr. i Pand grykim	Nr.pand dënuar
Neni 91 Plagosja e rëndë nga pakujdesia					
Neni 92 Plagosja e lehtë nga pakujdesia					
TOTALI					

VEPRA PENALE QË RREZIKOJNË JETËN DHE SHËNDETTIN ETJ	2019				
	Nr. Proc Rregj.	Nr.proc grykim	Nr.pand rregj	Nr. i Pand grykim	Nr.pand dënuar
Neni 93 Ndërprerja e shtatzanisë pa pëlqimin e gruas					
Neni 94 Nërprerja e shtatzanisë e kryer në vende dhe nga persona të paautorizuar					
Neni 95 Dhënia e mjeteve për ndërprerjen e shtatzanisë					
Neni 96 Mjekimi i pakujdesëshëm	3	-	-	-	-
Neni 97 Mosdhënia ndihmë					

Neni 98 Mosdhënia e ndihmës nga kapiteni i anijës					
Neni 99 Shkaktimi i vetëvrasjes	11	-	-	-	-
TOTALI	14	-	-	-	-

KRIMET SEKSUALE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 100 Marrëdhëniet seksuale ose homoseksuale me të mitur	1	-	-	-	-
Neni 101 Marrëdhënie seksuale ose homoseksuale me dhunë me të mitur të moshës 14-18 vjeç	2	-	-	-	-
Neni 102 Marrëdhënie seksuale me dhunë me të rritura	1	1	1	1	-
Neni 102/a Marrëdhënie homoseksuale me dhunë me të rritur					
Neni 103 Marrëdhënie seksuale ose homoseksuale me persona të pazotë për t'u mbrojtur	1	-	-	-	-
Neni 104 Marrëdhënie seksuale ose homoseksuale me kërcënimin me përdorimin e armës					
Neni 105 Marrëdhënie seksuale ose homoseksuale duke shpërdoruar detyrën					
Neni 106 Marrëdhënie seksuale ose homoseksuale me persona në gjini ose nën kujdestari					
Neni 107 Marrëdhënie seksuale ose homoseksuale në vende publike					
Neni 107/a Dhuna seksuale					
Neni 108 Vepra të turpshme	2	-	-	-	-
Neni 108/a Ngacmimi seksual	4	1	1	1	-
TOTALI	11	2	2	2	-

VEPRA PENALE KUNDËR LIRISË SË PERSONIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 109 Rrëmbimi ose mbajtja peng e personit					
Neni 109/a Rrëmbimi ose mbajtja peng e personit në rrethana lehtësuese					
Neni 109/b Shtrëngimi me anë të kanosjes ose dhunës për dhënien e pasurisë	8	-	-	-	-
Neni 109/c Zhdukja me forcë					

Neni 110 Heqja e paligjshme e lirisë	6	-	-	-	-
Neni 110/a Trafikimi i personave të rritur					
Neni 110/b Përfitimi apo përdorimi nga personat e trafikuar					
Neni 110/c Veprime që lehtësojnë trafikimin					
Neni 111 Rrëmbimi i avionëve, anijeve dhe mjeteve të tjera					
Neni 112 Dhunimi i banesës	2	1	1	1	1
TOTALI	16	1	1	1	1

VEPRA PENALE KUNDËR MORALIT DHE DINJITËTIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 113 Prostitucioni	3	1	1	1	-
Neni 114 Shfrytëzimi i prostitucionit	5	-	-	-	-
Neni 115 Mbajtja e lokaleve për prostitucion	3	-	-	-	-
Neni 117 Pornografia					
Neni 118 Dhunimi i varreve					
Neni 119 Fyerja	2	-	-	-	-
Neni 119/a Shpërndarja e materialeve raciste ose ksenofobike nëpërmjet sistemit kompjuterik	1	-	-	-	-
Neni 119/b Fyerja me motive racizmi ose ksenofobie nëpërmjet sistemit kompjuterik					
Neni 120 Shpifja					
Neni 121 Ndërrhyrje të padrejta në jetën private	5	1	1	1	-
Neni 121/a Përndjekja	7	-	-	-	-
Neni 122 Përhapja e sekreteve vetjake					
Neni 123 Pengimi ose shkelja e fshehtësisë së korrespondencës					
TOTALI	26	2	2	2	-

VEPRA PENALE KUNDËR FËMIJËVE, MARTESES DHE FAMILJES	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar

Neni 124 Braktisja e fëmijëve të mitur	9	2	2	2	2
Neni 124/a Kërkimi ose marja e shpërblimeve për procedurat e birësimit					
Neni 124/b Keqtrajtimi i të miturit	10	2	2	2	-
Neni 125 Mosdhënia e mjeteve për jetesë					
Neni 126 Mosnjoftimi i ndryshimit të vendbanimit					
Neni 127 Marrja e padrejtë e fëmijës	2	-	-	-	-
Neni 128 Ndërrimi i fëmijëve					
Neni 128/a Fshehja ose ndërrimi i medashje i fëmijës					
Neni 128/b Trafikimi i të miturve					
Neni 129 Shtytja e të miturit në krim					
Neni 130 Shtrëngimi ose pengimi për të bashkëjetuar ose për të lidhur apo zgjidhur martesë	1	-	-	-	-
Neni 130/a Dhuna në familje	77	49	49	49	22
TOTALI	99	53	53	53	24

VEPRA PENALE KUNDËR LIRISË SË BESIMIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 131 Pengimi i veprimtarive të organizatave fetare					
Neni 132 Shkatërrimi ose dëmtimi i objekteve të kultit					
Neni 133 Pengimi i ceremonive fetare					
TOTALI					

VEPRA PENALE KUNDËR PASURISË DHE NË SFERËN EKONOMIKE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 134 Vjedhja	359	29	29	29	10
Neni 135 Vjedhja e kryer duke shpërdoruar detyrën	2	1	1	1	-
Neni 136 Vjedhja e bankave dhe e arkave të kursimit	1	-	-	-	-
Neni 137 Vjedhja e energjisë elektrike ose impulseve telefonike	393	87	87	87	85

Neni 137/a Vjedhja e rrjetit të komunikimeve elektronike					
Neni 138 Vjedhja e veprave të artit e kulturës					
Neni 138/a Trafikimi i veprave të artit dhe kulturës					
Neni 139 Vjedhja me dhunë	10	7	7	7	3
Neni 140 Vjedhja me armë	2	-	-	-	-
Neni 141 Vjedhja me pasojë vdekjen	8	-	-	-	-
Neni 141/a Trafikimi i mjeteve motorrike	15	-	-	-	-
Neni 142 Sigurimi i mjeteve për vjedhje					
TOTALI	790	124	124	124	98

MASHTRIMET	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 143 Mashtrimi	40	5	5	5	2
Neni 143/a Skemat mashtruese dhe piramidale					
Neni 143/a/1 Manipulimi i tregut					
Neni 143/a/2 Përdorimi i paautorizuar dhe përhapja e informacionit të privilegjuar					
Neni 143/a/3 Manipulimi i çmimeve dhe përhapja e informacionit të rremë					
Neni 143/a/4 Paraqitja e të dhënave të rreme dhe shpërndarja e paautorizuar e tyre					
Neni 143/a/5 Regjistrimi i titujve në bursë në mënyrë të paautorizuar					
Neni 143/a/6 Fshehja e pronësisë					
Neni 143/a/7 Tregtimi i paligjshëm i titujve					
Neni 143/b Mashtrimi kompjuterik	4	-	-	-	-
Neni 144 Mashtrimi në subvencione					
Neni 144/a Krijimi i skemave mashtruese lidhur me tatimin mbi vlerën e shtuar					
Neni 145 Mashtrimi në sigurime	14	-	-	-	-
Neni 146 Mashtrimi në kredi					
Neni 147 Mashtrimi për veprat e artit e të kulturës					
Neni 148 Botimi i veprës së tjetrit me emrin e vet					
Neni 149 Riprodhimi pa të drejtë i veprës së tjetrit					

Neni 149/a Shkelja e të drejtave të pronësisë industriale	7	1	1	1	-
Neni 149/b Shkelja e të drejtave të topografisë së qarkut të gjysmëpërçuesit					
TOTALI	65	6	6	6	2

SHKATËRRIMI I PRONËS	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 150 Shkatërrimi i pronës	49	-	-	-	-
Neni 151 Shkatërrimi i pronës me zjarr	36	-	-	-	-
Neni 152 Shkatërrimi i pronës me eksploziv	4	-	-	-	-
Neni 153 Shkatërrimi i pronës me përmytje					
Neni 154 Shkatërrimi i pronës me mjete të tjera					
Neni 155 Shkatërrimi i rrugëve					
Neni 156 Shkatërrimi i rrjetit elektrik	2	-	-	-	-
Neni 157 Shkatërrimi i rrjetit të ujitjes					
Neni 158					
Neni 159 Shkatërrimi i rrjetit të ujësjellësit	4	2	2	2	2
Neni 160 Shkatërrimi i veprave kulturore					
Neni 161 Shkatërrimi i pronës nga pakujdesia	5	-	-	-	-
Neni 162 Përplasja e mjeteve të transportit masiv					
TOTALI	100	2	2	2	2

VEPRA PENALE TË KRYERA NË SHOQËRITË TREGTARE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 163 Përpilimi i deklaratave të rreme					
Neni 164 Shpërdorimi i kompetencave					
Neni 164/a Korrupsioni aktiv në sektorin privat					
Neni 164/b Korrupsioni pasiv në sektorin privat					
Neni 165 Falsifikimi i nënshkrimeve					

Neni 166 Emëtimi i parregullt i aksioneve					
Neni 167 Mbajtja e padrejtë e dy cilësive					
Neni 168 Dhënia e informacioneve të rreme					
Neni 169 Zbulimi i informacioneve të shoqërisë					
Neni 170 Mosbërja e shënimeve të detyrueshme					
Neni 170/a Punësimi i paligjshëm	2	-	-	-	-
Neni 170/b Konkurrenca e paligjshme nëpërmjet dhunës					
TOTALI	2	-	-	-	-

VEPRA PENALE NË LIDHJE ME USHTRIMIN E VEPRIMTARIVE BANKARE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 170/c Ushtrimi pa licencë i veprimtarive bankare	4	1	1	1	1
Neni 170/ç Ushtrimi pa licencë i veprimtarive financiare					
TOTALI	4	1	1	1	1

KRIME NË FUSHËN E DOGANAVE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 171 Kontrabanda me mallra të ndaluar					
Neni 172 Kontrabanda me mallra që paguhet akcizë	6	2	2	2	2
Neni 173 Kontrabanda me mallra të licencuar					
Neni 174 Kontrabanda me mallrat e tjera	2	1	1	1	1
Neni 175 Kontrabanda nga punonjës që lidhen me veprimtarinë doganore					
Neni 176 Kontrabanda e vlerave kulturore					
Neni 177 Kontrabanda me mallra me rregjim të ndërmjetëm	9	1	1	1	1
Neni 178 Tregtimi dhe transportimi i mallrave që janë kontrabandë	1	-	-	-	-
Neni 179 Ruatja apo depozitimi i mallrave kontrabandë	3	-	-	-	-
Neni 179/a Mosdeklarimi në kufi i të hollave dhe i sendeve me vlerë	2	-	-	-	-

TOTALI	23	4	4	4	4
---------------	-----------	----------	----------	----------	----------

VEPRA PENALE NË LIDHJE ME TAKSAT DHE TATIMET	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 180 Fshehja e të ardhurave	63	11	11	11	4
Neni 181 Mospagimi i taksave dhe tatimeve	18	11	11	11	2
Neni 181/a Moskryerja e detyrave nga organet tatimore	2	1	1	1	-
Neni 182 Ndryshimi në aparatet matëse					
Neni 182/a Prishja e shenjave të bllokimit apo pezullimit të veprimtarisë tregtare	3	1	1	1	1
TOTALI	86	24	24	24	7

FALSIFIKIMI I MONEDHAVE DHE LETRAVE ME VLERË	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 183 Falsifikimi i monedhave	1	-	-	-	-
Neni 184 Falsifikimi i letrave me vlerë					
Neni 185 Prodhimi i mjeteve për falsifikim					
TOTALI	1	-	-	-	-

FALSIFIKIMI I DOKUMENTEVE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 186 Falsifikimi i dokumenteve	68	5	5	5	1
Neni 186/a Falsifikimi kompjuterik	1				
Neni 187 Falsifikimi i dokumenteve shkollorë	2	1	1	1	1
Neni 188 Falsifikimi i dokumenteve shëndetësorë	1	1	1	1	-

Neni 189 Falsifikimi i letërnjoftimeve, i pasaportave ose i vizave	20	6	6	6	4
Neni 190 Falsifikimi i vulave, i stampave ose i formularëve	6	2	2	2	1
Neni 191 Falsifikimi i akteve të gjendjes civile					
Neni 192 Prodhimi i mjeteve për falsifikim të dokumenteve					
Neni 192/a Zhdukja dhe vjedhja e dokumenteve					
Neni 192/b Hyrja e paautorizuar kompjuterike	1	-	-	-	-
TOTALI	100	15	15	15	7

VEPRA PENALE NË FUSHËN E FALIMENTIMIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 193 Falimentimi I provokuar					
Neni 194 Fshehja e gjendjes së falimentimit					
Neni 195 Fshehja e pasurisë pas falimentimit					
Neni 196 Shkelja e detyrimeve					
TOTALI					

ZHVILLIMI I PALEJUARI LOJËRAVE TË FATIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 197 Organizimi i lotarive të palejuara	9	1	1	1	-
Neni 197/a Paracaktimi i rezultateve në garat sportive	1	3	3	3	-
Neni 197/b Shtrembërimi i konkurrencës në garat sportive					
Neni 198 Vënia në dispozicion e lokaleve për lojra të palejuara					
TOTALI	10	4	4	4	-

2019				

VEPRA PENALE QË CËNOJNË RREGJIMIN JURIDIK TË TOKËS	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 199 Shpërdorimi i tokës	6	2	2	2	2
Neni 199/a Ndërtimi i paligjshëm	250	99	99	99	38
Neni 199/b Dhënia e ndihmës për ndërtim të paligjshëm					
Neni 200 Pushtimi i tokës	9	1	1	1	1
TOTALI	265	102	102	102	41

VEPRA PENALE KUNDËR MJEDISIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 201 Ndotja e ajrit					
Neni 202 Transportimi i mbeturinave toksike					
Neni 203 Ndotja e ujrave	1	-	-	-	-
Neni 204 Peshkimi i ndaluar	1	-	-	-	-
Neni 205 Prerja e paligjshme e pyjeve	15	1	1	1	1
Neni 206 Prerja e drurëve dekorativë dhe frutorë	1	-	-	-	-
Neni 206/a Shkatërrimi me zjarr i pyjeve dhe i mjedisit pyjor	1	-	-	-	-
Neni 206/b Shkatërrimi nga pakujdesia me zjarr I pyjeve dhe i mjedisit pyjor	1	-	-	-	-
Neni 207 Shkelja e karantinës së bimëve dhe kafshëve					
TOTALI	20	1	1	1	1

VEPRA PENALE KUNDËR VEPRIMTARISË SHKETËRORE TË KRYERA NGA SHKETASIT	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 235 Kundërshtimi i punonjësit që kryen një detyrë shtetërore ose një shërbim publik	5	2	2	2	
Neni 236 Kundërshtimi i punonjësit të policisë së rendit publik	12	6	6	6	1
Neni 237 Goditjet për shkak të detyrës	6	2	2	2	1

Neni 238 Kanosja për shkak të detyrës	2				
Neni 242 Moshindja ndaj urdhërit të punonjësit të policisë së rendit publik	13	6	6	6	-
Neni 243 Goditjet ndaj pjesëtarëve të familjes së personit që kryen një detyrë shtetërore					
Neni 244 Korrupsioni aktiv i personave që ushtrojnë funksione publike	1	-	-	-	-
Neni 244/a Korrupsioni aktiv i nëpunësve të huaj publikë					
Neni 245 Korrupsioni aktiv i funksionarëve të lartë shtetërorë ose të zgjedhurve vendorë	1	8	8	8	8
Neni 245/1 Ushtrimi i ndikimit të paligjshëm ndaj personave që ushtrojnë funksione publike	1	2	2	2	-
Neni 246 Përvetësimi i titullit apo i detyrës shtetërore					
Neni 246/a Ushtrimi I profesionit të ekspertit kontabël dhe I shoqërisë audituese pa qenë I rregjistruar					
Neni 247 Mbajtja pa të drejtë e uniformës	1	-	-	-	-
TOTALI	42	26	26	26	10

VEPRA PENALE KUNDËR VEPRIMTARISË SHTETËRORE TË KRYERA NGA PUNONJËSIT SHTETËRORE OSE NË SHËRBIM PUBLIK	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 248 Shpërdorimi i detyrës	104	10	15	15	-
Neni 248/a Dhënia në kundërshtim me ligjin e pensioneve ose e të ardhurave të tjera nga sigurimet shoqërore					
Neni 249 Kryerja e funksionit pas dhënies fund të tij	1	-	-	-	-
Neni 250 Kryerja e veprimeve arbitrare	8	1	1	1	1
Neni 251 Mosmarrja e masave për të ndërprerë gjendjen e paligjshme					
Neni 252 Mbajtja në burg, pa vendim					
Neni 253 Shkelja e barazisë së shtetasve					
Neni 254 Shkelja e paprekshmërisë së banesës					
Neni 255 Pengimi dhe shkelja e fshehtësisë së korrespondencës					
Neni 256 Shpërdorimi i kontributeve të dhëna nga shteti	1	-	-	-	-
Neni 257 Përfitimi I paligjshëm I interesave					
Neni 257/a Refuzimi për deklarim, mosdeklarim, fshehja ose deklarim i rremë i pasurive të personave të zgjedhur dhe nëpunësve publikë ose i çdo personi tjetër që ka detyrimin ligjor për deklarim	1	-	-	-	-

Neni 258 Shkelja e barazisë së pjesëmarrësve në tendera apo ankande publike	1	-	-	-	-
Neni 259 Korrupsioni pasiv i personave që ushtrojnë funksione publike	4	1	3	3	-
Neni 259/a Korrupsioni pasiv i nëpunësve të huaj publike					
Neni 260 Korrupsioni pasiv i funksionarëve të lartë shtetërorë ose i të zgjedhurve vendorë					
TOTALI	120	12	19	19	1

VEPRA PENALE KUNDËR RENDIT DHE SIGURISË PUBLIKE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 261 Pengimi në ushtrimin e të drejtës për t'u shprehur, grumbulluar apo manifestuar					
Neni 262 Organizimi dhe pjesëmarrja në grumbullime e manifestime të paligjshme	8	-	-	-	-
Neni 263 Organizimi I grumbullimeve dhe manifestimeve të paligjshme me pjesëmarrje të personave të armatosur					
Neni 264 Detyrimi për të marrë pjesë ose jo në grevë					
Neni 265 Nxitja e urrejtjes ose grindjeve	1	-	-	-	-
Neni 265/a Pjesëmarrja në veprime luftarake në një shtet të huaj					
Neni 265/b Organizimi për pjesëmarrje në veprime luftarake në një shtet të huaj					
Neni 265/c Thirrja për pjesëmarrje në veprime luftarake të dhunshme në një shtet të huaj					
Neni 266 Thirrja për urrejtje nacionale					
Neni 267 Përhapja e informatave të rreme që ngjallin panik					
Neni 268 Poshtërimi I Republikës dhe I simboleve të saj					
Neni 269 Pengimi me dhunë i veprimtarisë së partive politike					
Neni 270 Rebelimi i të burgosurve					
Neni 271 Disinformimi i ekipeve të urgjencës					
Neni 272 Njoftimi i rremë në organet e rendit	1	-	-	-	-
Neni 273 Largimi nga vendi i aksidentit	17	4	4	4	1
Neni 274 Prishja e qetësisë publike	14	1	1	1	-
Neni 275 Përdorimi me keqdashje i thirrjeve telefonike	22	-	-	-	-
Neni 276 Përdorimi pa të drejtë i emblems së Kryqit të Kuq					
Neni 277 Vetëgjyqësia	17	1	1	1	-

Neni 278 Prodhimi dhe mbajtja pa leje e armëve luftarake	51	18	18	18	7
Neni 278/a Trafikimi i armëve dhe i municionit	5				
Neni 279 Prodhimi, mbajtja, blerja apo shitja pa leje e armëve të ftohta	6	2	2	2	1
Neni 280 Prodhimi dhe mbajtja pa leje e armëve të gjuetisë dhe sportive	7	2	2	2	-
Neni 281 Shkelja e rregullave mbi lëndët helmuese					
Neni 282 Shkelja e rregullave mbi lëndët plasëse, djegëse dhe radioaktive	1	-	-	-	-
Neni 282/a Trafikimi i lëndëve plasëse, djegëse, helmuese dhe radioaktive	1	-	-	-	-
Neni 282/b Stërvitja për prodhimin dhe përdorimin e paligjshëm të armëve e lëndëve të tjera të rrezikshme					
Neni 283 Prodhimi dhe shitja e narkotikëve	104	18	19	19	7
Neni 283/a Trafikimi i narkotikëve	14	2	2	2	-
Neni 283/b Krijimi i lehtësirave për marrjen dhe përdorimin e drogës	1	-	-	-	-
Neni 284 Kultivimi i bimëve narkotike	91	1	1	1	-
Neni 284/a Organizimi dhe drejtimi i organizatave kriminale					
Neni 284/c Prodhimi dhe fabrikimi i lëndëve narkotike dhe psikotrope					
Neni 284/ç Prodhimi, tregtimi dhe përdorimi i paligjshëm i prekursorëve					
Neni 285 Mbajtja, prodhimi dhe transportimi i substancave kimike					
Neni 285/a Përshatja e lokalit për përdorim droge					
Neni 285/b Hedhja ose braktisja e shiringave					
Neni 286 Nxitja për përdorimin e drogës	4	-	-	-	-
Neni 286/a Përdorimi i paligjshëm i teknologjisë së lartë					
Neni 287 Pastrimi i produkteve të veprave penale ose veprimtarisë kriminale	52	3	3	3	-
Neni 287/a Çelja e llogarive anonime					
Neni 287/b Përvetësimi i parave ose mallrave që rrjedhin nga veprat penale ose veprimtaria kriminale					
Neni 288 Prodhimi dhe shitja e ushqimeve dhe e lëndëve të tjera të rrezikshme për shëndetin	2	-	-	-	-
Neni 288/a Prodhimi i kundërligjshëm i artikujve dhe mallrave industrialë dhe ushqimorë	5	3	3	3	1
Neni 288/b Tregtimi dhe hedhja për konsum e lëndëve djegëse në kundërshtim me standartet ligjore të cilësisë					
Neni 288/c Mashtrimi me produktet ushqimore					
Neni 288/ç Prishja e shenjave të sigurisë së organeve shtetërore në fushën e sigurisë ushqimore					
Neni 289 Shkelja e rregullave të mbrojtjes në punë	4	-	-	-	-
Neni 290 Shkelja e rregullave të qarkullimit rrugor	147	42	42	42	19

Neni 291 Drejtimi i automjeteve në mënyrë të parregullt	184	131	131	131	59
Neni 292 Shkelja e disiplinës së punës në transport					
Neni 293 Pengimi i qarkullimit të mjeteve të transportit					
Neni 293/a Përgjimi i paligjshëm i të dhënave kompjuterike					
Neni 293/b Ndërhyrja në të dhënat kompjuterike	3	-	-	-	-
Neni 293/c Ndërhyrja në sistemet kompjuterike	1	-	-	-	-
Neni 293/ç Keqpërdorimi i pajisjeve					
Neni 293/d Shitja e paautorizuar e kartave SIM					
TOTALI	763	228	228	228	95

VEPRA PENALE KUNDËR SEKRETIT DHE KUFIJVE SHETËTORË	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 294 Tregtimi i sekretit shtetëror nga personi që i është besuar					
Neni 295 Tregtimi i sekretit shtetëror nga shtetasit					
Neni 295/a Zbulimi i akteve ose të dhënave sekrete					
Neni 295/b Shfrytëzimi i paligjshëm i të dhënave tregtare					
Neni 296 Humbja e dokumenteve sekrete					
Neni 297 Kalimi i paligjshëm i kufirit shtetëror	124	58	58	58	19
Neni 298 Ndihma për kalim të paligjshëm të kufijve	37	7	7	7	2
Neni 299 Shkelja e rregullave mbi fluturimet					
TOTALI	161	65	65	65	21

VEPRA PENALE KUNDËR DREJTËSISË	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 300 Moskallëzimi i krimit	3	1	2	2	-
Neni 301 Veprime që pengojnë zbulimin e së vërtetës					
Neni 302 Përkrahja e autorit të krimit	1	1	1	1	-

Neni 303 Fshehja ose asgjësimi i kufomës					
Neni 304 Detyrimi për të kallëzuar provën					
Neni 305 Kallzimi i rremë	5	2	2	2	-
Neni 305/a Deklaratat e rreme përpara prokurorit					
Neni 305/b Deklaratat e rreme përpara oficerit të policisë gjyqësore					
Neni 306 Dëshmia e rreme	2	1	2	2	-
Neni 307 Refuzimi për të dëshmuar					
Neni 308 Përkthimi i rremë					
Neni 309 Ekspertimi i rremë	2	-	-	-	-
Neni 310 Mosparaqitja e dëshmitarit, ekspertit apo përkthyesit					
Neni 311 Kanosja për të mos kallëzuar	3	-	-	-	-
Neni 312 Korrupsioni aktiv i dëshmitarit, i ekspertit ose i përkthyesit					
Neni 312/a Kanosja për deklarime a dëshmi, ekspertim ose përkthim të rremë					
Neni 313 Fillimi i paligjshëm i ndjekjes penale	1	1	1	1	-
Neni 313/a Zhdukja ose humbja e fashkullit					
Neni 313/b Ndalimi i dhënies dhe i shpalljes së të dhënave në kundërshtim me ligjin					
Neni 314 Përdorimi i dhunës gjatë hetimeve					
Neni 316 Kundërshtimi dhe goditja e gjyqtarit					
Neni 317 Kanosja e gjyqtarit					
Neni 318 Fyerja e gjyqtarit	1	-	-	-	-
Neni 319 Korrupsioni aktiv I gjyqtarit, prokurorit dhe I funksionarëve të tjerë të drejtësisë					
Neni 319/a Korrupsioni aktiv I gjyqtarit ose I zyrtarit të gjykatave ndërkombëtare					
Neni 319/b Korrupsioni aktiv i arbitrit vendas dhe të huaj					
Neni 319/c Korrupsioni aktiv i anëtarëve të jurive gjyqësore të huaja					
Neni 319/ç Korrupsioni pasiv I gjyqtarëve, prokurorëve dhe funksionarëve të tjerë të organave të drejtësisë					
Neni 319/d Korrupsioni pasiv i gjyqtarit ose I zyrtarit të gjykatave ndërkombëtare					
Neni 319/dh Korrupsioni pasiv i arbitrit vendas dhe të huaj					
Neni 319/e Korrupsioni pasiv i anëtarëve të jurive gjyqësore të huaja					
Neni 320 Pengime për ekzekutimin e vendimeve të gjykatës	1	1	1	1	-
Neni 320/a Mosekzekutimi pa shkaqe të përligjura I vendimit të gjykatës	1	-	-	-	-

Neni 321 Veprime në kundërshtim me vendimin e gjykatës	15	6	6	6	4
Neni 322 Prishja e vulave dhe shenjave					
Neni 323 Largimi i të burgosurit nga vendi i qëndrimit	7	2	2	2	1
Neni 324 Dhënia ndihmë një të burgosuri për largim	5	2	2	2	1
Neni 324/a Futja ose mbajtja e sendeve të ndaluara në institucionin e ekzekutimeve të dënimeve me burgim					
TOTALI	47	15	19	19	6

VEPRA PENALE QË PREKIN ZGJEDHJET E LIRA DHE SISTEMIN DEMOKRATIK TË ZGJEDHJEVE	2019				
	Nr. Proc Rregj.	Nr.proc gjykim	Nr.pand rregj	Nr. i Pand gjykim	Nr.pand dënuar
Neni 325 Pengimi i subjekteve zgjedhore	1	-	-	-	-
Neni 326 Falsifikimi i materialit zgjedhor dhe rezultateve të zgjedhjeve	1	-	-	-	-
Neni 326/a Dëmtimi me dashje i materialit zgjedhor					
Neni 327 Shkelja e fshehtësisë së votimit					
Neni 327/a Votimi më shumë se një herë ose pa u identifikuar					
Neni 328 Dhënia e shpërblimeve dhe e premtimeve					
Neni 328/a Detyrimi për pjesëmarrje në veprimtari politike					
Neni 329 Kanosja apo dhunimi ndaj pjesëmarrësve në zgjedhje					
Neni 330 Pengimi i zgjedhësit	4	-	-	-	-
Neni 330/a Braktisja e detyrës nga anëtarët e komisioneve të zgjedhjeve					
Neni 331 Shkelja e së drejtës së zgjedhjes					
Neni 332 Shpërdorimi i autoritetit ushtarak					
TOTALI	6	-	-	-	-

Duke u bazuar në të dhënat e mësipërme vlerësojmë se duhet të bëhet një punë më e mirë dhe më e madhe në drejtim të rritjes së numrit të procedimeve penale të dërguara për gjykim. Duhet të rritet shpejtësia e hetimit dhe cilësia e akteve hetimore dhe procedimeve penale. Gjithashtu, duhet të rritet shpejtësia e përfundimit të çështjeve në gjykim, me qëllim përfundimin e shpejtë të tyre dhe marrjen e vendimeve të dënimit në një kohë më të shkurtër, fakt që do të sjellë dënimin e të pandehurve sa më afër kohës së kryerjes së vepres penale dhe dënimi i dhënë do të ketë një efekt më të madh. Gjithashtu, kjo do të lehtësojë prokurorët nga numri i çështjeve në gjykim, numri i madh i seancave gjyqësore për një çështje konkrete dhe do ti japë më shumë kohë për ushtrimin e ndjekjes penale.

➤ **Shpejtësia në hetime, dhe zgjatja e afatit të hetimeve paraprake gjate vitit 2019.**

Gjatë vitit 2019 rezulton se një pjesë e këtyre e çështjeve penale të regjistruara të reja janë përfunduar brenda afatit ligjor 3 mujor dhe kryesisht për çështje penale me persona të arrestuar në hetim, por edhe për vepra penale që nuk kërkojnë kryerjen e një numri të madh veprimesh hetimore, si veprat penale të parashikuara nga nenet 84, 89, 199/a, 137, 291, etj.

Gjatë këtij viti rezulton se janë marrë vendime për zgjatjen e afateve hetimore, një ose më shumë herë për 59 procedime penale, që përbën 0.3 % e procedimeve penale të regjistruara. Lidhur me një ndarje të grup veprave në të cilat është marrë vendim për zgjatjen e afatit të hetimeve paraprake, rezulton se për veprat penale kundër personit janë zgjatur hetimet hetimet për 2 procedime penale, për 1 procedim penal deri në 3 muaj dhe për 1 procedim penal deri në 6 muaj. Në lidhje me grup veprat penale kundër pasurisë dhe në ekonomi janë zgjatur hetimet për 17 procedime penale, për këto procedime penale hetimet janë zgjatur deri në 3 muaj. Në lidhje me grup veprat penale kundër autoritetit të shtetit janë zgjatur hetimet për 40 procedime penale, ndër këta procedime për 33 raste është zgjatur afati deri në 3 muaj, për 17 raste është zgjatur afati deri në 6 muaj dhe për 1 rast është zgjatur afati deri në 9 muaj.

Pjesa më e madhe e zgjatjeve ka ndodhur për shkak të vonesave në administrimin e akteve të ekspertimeve të ndryshme, për shkak të vonesave dhe ngarkesës nga ana e Institutit të Mjekësisë Ligjore dhe Institutit të Policisë Shkencore. Një shkak tjetër është ngarkesa e madhe e prokurorëve dhe numri i vogël i tyre, si dhe lëvizjet e shpeshta të prokurorëve gjatë këtij viti, si komandime, caktime të përkohshme, ngritje në detyrë, marrje e lejeve, apo kalimi në detyra të tjera, etj. Gjithashtu, një pjesë e procedimeve kanë qenë procedime me veprime të shumta hetimore dhe veprime komplekse, fakt që ka bërë të domosdoshëm zgjatjen e afateve hetimore, etj.

➤ **Apelimet e bëra nga Prokuroria pranë Gjykatës së Shkallës së Parë Shkodër gjatë vitit 2019.**

- Gjatë vitit 2019, nga Prokuroria pranë Gjykatës së Shkallës së Parë Shkodër janë paraqitur në gjykatë në total rreth 110 apelime, në lidhje me vendimet gjyqësore të themelit. Nga këto apelime 48 janë apelime në lidhje me procedime penale të viteve të mëparshme dhe 62 ankime janë bërë në lidhje me procedime penale të vitit 2019. Në 15 raste është ushtruar ankim në lidhje me vendimet e Gjykatës së Rrethit Gjyqësor Shkodër, për pafajsi apo pushim çështjeje (11 janë për pafajsi dhe 4 pushim çështje nga gjykata) të cilat në 4 raste janë mbështetur nga Prokuroria e Apelit dhe në rastet e tjera nuk kanë gjetur mbështetje.
- Në 47 raste është ushtruar ankim ndaj vendimeve të Gjykatës së Rrethit Gjyqësor Shkodër, në lidhje me masën e dënimit, llojin e dënimit apo në lidhje me pezullimin e dënimit sipas parashikimeve të neneve 59, 59/a, 60 dhe 64 të K.Penal, etj, disa prej këtyre ankime janë pranuar nga gjykata, ndërsa pjesa tjetër janë lënë në fuqi vendimet e Gjykatës së Rrethit Gjyqësor Shkodër por, rreth gjysma e tyre nuk janë gjykuar dhe akoma nuk jemi në dijeni të vendimarrjes së Gjykatës së Apelit Shkodër.

➤ **Raporti dhe rëndësia e grupveprave penale dhe procedimet penale të mbetura në hetim.**

Në raport me procedimet penale të hetuara gjatë vitit 2019, na rezulton se grupveprat penale kundër personit janë rregjistruar 72 procedime penale, ku vepra penale më e hetuar është ajo e “Kanosjes” parashikuar nga neni 84 të K.Penal, me 51 procedime penale të rregjistruara, ku për gjykim janë dërguar vetëm dy procedime penale. Më pas, vjen vepra penale e parashikuar nga neni 78/1 të K.Penal, me 13 procedime penale, ku dy procedime penale janë dërguar në gjykim me dy të pandehur. Ndërsa për veprën penale të parashikuar nga neni 76 të K.Penal, janë rregjistruar 7 procedime penale dhe dy procedime janë dërguar për gjykim me dy të pandehur.

Në lidhje me grupveprat e kryera me pakujdesi janë rregjistruar 8 procedime penale, ku në gjykim nuk është dërguar asnjë procedim penal.

Në raport me procedimet penale të hetuara gjatë vitit 2019, na rezulton se grupveprat penale kundër shëndetit të personit janë rregjistruar 60 procedime penale, ku vepra penale më e hetuar është ajo e “Plagosjes së lehtë me dashje” parashikuar nga neni 89 të K.Penal, me 44 procedime penale të rregjistruara, ku për gjykim janë dërguar vetëm 4 procedime penale me 4 të pandehur. Më pas vjen vepra penale e parashikuar nga neni 88/1 të K.Penal, me 16 procedime penale të rregjistruara, ku 4 procedime penale me 4 të pandehur janë dërguar për gjykim.

Në raport me procedimet penale të hetuara gjatë vitit 2019, na rezulton se grupveprat penale që rrezikojnë jetën dhe shëndetin të personit janë rregjistruar 14 procedime penale, ku vepra penale më e hetuar është ajo e “Shkaktimit të vetëvrasjes” parashikuar nga neni 99 të K.Penal, me 11 procedime penale të rregjistruara, ku për gjykim nuk është dërguar asnjë procedim. Vlen për tu theksuar fakti që pjesa më e madhe e këtyre procedimeve lidhet me rastet kur viktimat kanë shkaktuar vetëvrasjen për shkak të gjendjes mendore apo psikologjike të rënduar por jo të shkaktuar nga keqtrajtimi sistematik i ndonjë personi. Në këto raste prokurorët kanë rregjistruar procedime penale duke kryer veprimet e duhura hetimore dhe duke arritur në evidentimin e shkaqeve të vetëvrasjes me qëllim për të shmangur çdo pretendim apo dyshim të krijuar nga të afërmit apo persona të tjerë që kanë pasur lidhje me viktimën.

Gjatë vitit 2019, në grupveprat penale kundër lirisë së personit janë rregjistruar 16 procedime penale, ku vepra penale më e hetuar është ajo e “Shtërngimit me anë të kanosjes ose dhunës për dhënien e pasurisë” parashikuar nga neni 109/b të K.Penal, ku janë rregjistruar 8 procedime penale dhe nuk është dërguar asnjë procedim në gjykim. Vlen për tu theksuar fakti, se pjesa më e madhe e procedimeve janë të ardhura për kompetencë nga Prokuroria e Krimeve të Rënda Tiranë në muajin dhjetor 2019.

Në grupveprat penale kundër moralit dhe dinjitetit të personit janë rregjistruar 26 procedime penale, ku vepra penale më e hetuar është ajo e “Përndjekjes” parashikuar nga neni 121/a të K.Penal, ku janë rregjistruar 7 procedime penale dhe nuk është dërguar asnjë procedim në gjykim.

Në grupveprat penale kundër fëmijëve, martesës dhe familjes janë rregjistruar 99 procedime penale, ku vepra penale më e hetuar është ajo e “Dhunës në familje” parashikuar nga neni

130/a të K.Penal, ku janë rregjistruar 77 procedime penale dhe nga këto 49 procedime penale me 49 të pandehur janë dërguar për gjykim, ndërkohë ka përfunduar gjykimi me vendim dënimi për 22 të pandehur.

Në grupveprat penale kundër pasurisë dhe në sferën ekonomike janë rregjistruar 790 procedime penale, ku vepra penale më e hetuar është ajo e “Vjedhjes së energjisë elektrike ose impulsive telefonike” parashikuar nga neni 137 i Kodit Penal, me 393 procedime penale të rregjistruara. Nga këto 87 procedime penale me 87 të pandehur janë dërguar për gjykim dhe ka përfunduar gjykimi për 85 procedime me vendime dënimi për 85 të pandehur. Më pas, qëndron vepra penale e “Vjedhjes” parashikuar nga neni 134 të K.Penal, ku janë rregjistruar 359 procedime penale dhe nga këto 29 procedime penale me 29 të pandehur janë dërguar për gjykim.

Në grupveprat penale të Mashtrimeve janë rregjistruar 65 procedime penale, ku vepra penale më e hetuar është ajo e “Mashtrimit” parashikuar nga neni 143 i Kodit Penal, me 40 procedime penale të rregjistruara. Ku nga këto procedime 5 procedime penale me 5 të pandehur janë dërguar për gjykim dhe dy prej tyre kanë përfunduar me vendime dënimi.

Në grupveprat penale të shkatërrimit të pronës janë rregjistruar 100 procedime penale, ku vepra penale më e hetuar është ajo e “Shkatërrimit të pronës” parashikuar nga neni 150 i Kodit Penal, me 49 procedime penale të rregjistruara, por nuk janë dërguar procedime penale për gjykim. Më pas vjen vepra penale e “Shkatërrimit të pronës me zjarr” e parashikuar nga neni 151 të K.Penal, me 36 procedime penale por edhe në lidhje me këto procedime nuk ka procedime të dërguara për gjykim. Një pjesë e madhe e ketyre veprave penale janë pezulluar për mosidentifikim autori ose janë pushuar për mungesën e pasojës së kërkuar nga ligji, etj.

Në grupveprat penale në fushën e doganave janë rregjistruar 23 procedime penale, ku vepra penale më e hetuar është ajo e “Kontrabandës me mallra me rregjim të ndërmjetëm” parashikuar nga neni 177 i Kodit Penal, me 9 procedime penale të rregjistruara, ku vetëm 1 procedim penal me 1 të pandehur është dërguar për gjykim. Më pas vjen vepra penale e “Kontrabandës me mallra që paguhet akcizë” parashikuar nga neni 172 të Kodit Penal, me 6 procedime penale të rregjistruara me 2 procedime penale me 2 të pandehur të dërguar për gjykim dhe gjykimi ka përfunduar me vendime fajësie.

Në grupveprat penale në lidhje me taksat dhe tatimet janë rregjistruar 86 procedime penale, ku vepra penale më e hetuar është ajo e “Fshehjes së të ardhurave” parashikuar nga neni 180 i Kodit Penal, me 63 procedime penale të rregjistruara, me 11 procedime të dërguara për gjykim me 11 të pandehur dhe 2 të dënuar. Më pas vjen vepra penale e “Mospagimit të taksave dhe tatimeve”, parashikuar nga neni 181 të K.Penal, me 18 procedime penale të rregjistruara ndër të cilët 11 procedime janë dërguar për gjykim me 11 të pandehur, ku për dy ka përfunduar gjykimi me vendim fajësie.

Në grupveprat penale të falsifikimit të dokumenteve janë rregjistruar 100 procedime penale, ku vepra penale më e hetuar është ajo e “Falsifikimit të dokumenteve” parashikuar nga neni 186 i Kodit Penal, me 68 procedime penale të rregjistruara, nga këto 5 procedime penale janë dërguar për gjykim me 5 të pandehur. Vlen për tu theksuar se në lidhje me këtë vepër penale janë rregjistruar shumë procedime mbi bazën e kallëzimeve penale të shtetasve në lidhje me falsifikimin e dokumenteve apo akteve të pronësisë në vite, kallëzime që kërkojnë

shumë kohë dhe veprime hetimore për të arritur në hetimin e plotë të tyre dhe marrjen e një vendimi përfundimtar.

Në grupveprat penale kundër rregjimit juridik të tokës janë rregjistruar 265 procedime penale, ku vepra penale më e hetuar është ajo e “Ndërtimit të paligjshëm” parashikuar nga neni 199/a i Kodit Penal, me 250 procedime penale të rregjistruara, ku nga këto procedime 99 janë për gjykim me 99 të pandehur, ku për 38 procedime ka përfunduar gjykimi me vendim fajësie.

Në grupveprat penale kundër mjedisit janë rregjistruar 20 procedime penale, ku vepra penale më e hetuar është ajo e “Prerjes së paligjshme të pyjeve” parashikuar nga neni 205 i Kodit Penal, me 15 procedime penale të rregjistruara, ku vetëm 1 procedim penal me 1 të pandehur është dërguar për gjykim.

Në grupveprat penale kundër veprimtarisë shtetërore janë rregjistruar 42 procedime penale, ku vepra penale më e hetuar është ajo e “Mosbindjes ndaj urdhërit të punonjësit të policisë së rendit publik” parashikuar nga neni 242 i Kodit Penal, me 13 procedime penale të rregjistruara, ku nga këto 6 procedime penale me 6 të pandehur janë dërguar për gjykim. Më pas, vjen vepra penale e “Kundërshtimit të punonjësit të policisë së rendit publik”, parashikuar nga neni 236 të Kodit Penal me 12 procedime penale të rregjistruara, nga të cilat 6 procedime penale me 6 të pandehur janë dërguar për gjykim.

Në grupveprat penale kundër veprimtarisë shtetërore të kryera nga punonjësit shtetërorë janë rregjistruar 120 procedime penale, ku vepra penale më e hetuar është ajo e “Shpërdorimit të detyrës” parashikuar nga neni 248 i Kodit Penal, me 104 procedime penale të rregjistruara. Nga këto procedime 10 procedime penale me 15 të pandehur janë dërguar për gjykim.

Në grupveprat penale kundër rendit dhe sigurisë publike janë rregjistruar 763 procedime penale, ku vepra penale më e hetuar është ajo e “Drejtimin të automjeteve në mënyrë të parregullt” parashikuar nga neni 291 i Kodit Penal, me 184 procedime penale të rregjistruara. Nga këto procedime penale 131 procedime penale me 131 të pandehur janë dërguar për gjykim dhe 59 prej tyre ka përfunduar gjykimi me vendim fajësie. Më pas, vjen vepra penale e “Shkeljes së rregullave të qarkullimit rrugor” parashikuar nga neni 290 të Kodit Penal me 147 procedime penale të rregjistruara, ku nga këto 42 procedime penale me 42 të pandehur janë dërguar për gjykim. Në lidhje me veprën penale të “Prodhimit dhe shitjes së narkotikëve”, parashikuar nga neni 283 të Kodit Penal janë rregjistruar 104 procedime penale ku 19 procedime penale me 19 të pandehur janë dërguar për gjykim. Ndërsa në lidhje me veprën penale të “Kultivimit të bimëve narkotike” parashikuar nga neni 284 të Kodit Penal janë rregjistruar 91 procedime penale dhe vetëm një procedim penal me 1 të pandehur është dërguar për gjykim. Vlen të theksohet se pjesa më e madhe e këtyre procedimeve penale janë pezulluar për pamundësi të identifikimit të autorit, kjo e lidhur edhe me terrenin ku janë evidentuar parcelat e kultivuara me bimë narkotike.

Në grupveprat penale kundër sekretit dhe kufijve shtetërorë janë rregjistruar 161 procedime penale, ku vepra penale më e hetuar është ajo e “Kalimi I paligjshëm i kufirit shtetëror” parashikuar nga neni 297 i Kodit Penal, me 124 procedime penale të rregjistruara. Nga këto 58 procedime penale me 58 të pandehur janë dërguar për gjykim ku për 19 raste ka përfunduar gjykimi me vendim fajësie. Më pas vjen vepra penale e “Dhënies ndihmë për

kalim të paligjshëm të kufijve” parashikuar nga neni 298 të Kodit Penal, me 37 procedime penale të rregjistruara me 7 procedime me 7 të pandehur të dërguar për gjykim.

Në grupveprat penale kundër drejtësisë janë rregjistruar 47 procedime penale, ku vepra penale më e hetuar është ajo e “Veprimeve në kundërshtim me vendimin e gjykatës” parashikuar nga neni 321 i Kodit Penal, me 15 procedime penale të rregjistruara, ku nga këto procedime penale 6 procedime me 6 pandehur janë dërguar për gjykim dhe për katër prej tyre ka përfunduar gjykimi me vendim fajësie.

Në grupveprat penale kundër zgjedhjeve të lira janë rregjistruar 6 procedime penale, ku vepra penale më e hetuar është ajo e “Pengimi i zgjedhësit” parashikuar nga neni 330 i Kodit Penal, me 4 procedime penale të rregjistruara, ku asnjë procedim nuk është dërguar për gjykim.

➤ **Ekzekutimet e vendimeve penale.**

Në Prokurorinë pranë Gjykatës së Shkallës së ParëShkodër, është ngritur zyra e ekzekutimeve të vendimeve penale në pamundësi për krijimin e një seksioni, për shkak të mungesës së prokurorëve. Për këtë arsye, në këtë zyrë janë caktuar një oficer i policisë gjyqësore dhe një oficer i dytështë caktuar për një pjesë kohe gjatë këtij viti, si dhe një sekretare. Gjatë vitit 2019 ka qënë i ngarkuar me ekzekutimet vetëm prokurori z.Agron Bushati, i cili ka pasur një ngarkesë të lartë të urdhërave të ekzekutimit por edhe numrit të madh të seancave gjyqësore të zhilluara në gjykatë në lidhje me kërkesat e të dënuarve në fazën e ekzekutimit, e shkaktuar nga puna e IEVP Reç Malësi e Madhe she shtimi i vazhdueshem i numrit të të dënuarve në këtë institucionqë ka ndikuar edhe në punën dhe ngarkesën e këtij prokurori.

Gjatë vitit 2019, janë vënë në ekzekutim të gjitha vendimet penale të formës së prerë duke respektuar afatet ligjore të parashikuara në nenin 49 të ligjit Nr.8331, datë 21.04.1998 “Për ekzekutimin e vendimeve penale”, të ndryshuar. Janë nxjerrë dhe vënë në ekzekutim lëshuar **1151** urdhëra për ekzekutimin e vendimeve penale, e konkretisht;

- 176 urdhëra ekzekutimi për vendime me burg;
- 148 urdhëra ekzekutimi për vendime me gjobë;
- 18 vendime urdhëra për dënime plotësuese.
- Janë nxjerrë 502 urdhëra për vendime sipas nenit 59 të K.Penal,
- 49 urdhëra sipas nenit 59/a të K.Penal;
- 59 urdhëra për vendime sipas nenit 60 të K.penal,
- 182 urdhëra për vendime sipas nenit 63 të K.Penal;
- 17 urdhëra për vendime me pezullim sipas nenit 64 të Kodit Penal.
- Gjithashtu 401 urdhëra janë nxjerrë të tjerë me vehte vetëm në lidhje me pagimin e shpenzimeve procedurale.

Nga këto urdhëra të nxjerre janë ekzekutuar;

- 173 urdhëra për vendime me burg,
- 120 urdhëra për vendime me gjobë,
- 5 urdhëra për vendime për dënime plotësuese.
- 464 urdhëra për vendime sipas nenit 59 të K.Penal,
- 37 urdhëra sipas nenit 59/a të K.Penal;

- 25 sipas nenit 60 të K.penal,
- 180 urdhëra për vendime sipas nenit 63 të K.Penal;
- 10 urdhëra sipas nenit 64 të Kodit Penal.

Nga ana e sektorit të ekzekutimit të vendimeve penale është bërë një punë e mirë lidhur me nxjerrjen e urdhërave të kërkimit ndërkombëtar në zbatim të kërkesave të reja ligjore që kanë sjelle ndryshimet e legjislacionit në këtë fushë. Kështu në zbatim të udhëzimit të Prokurorit të Përgjithshëm në bashkëpunim me Ministrinë e Drejtësisë dhe Policinë nga kjo prokurori janë nxjerrëdisa urdhëra për kërkim ndërkombëtar.

➤ **Marrëdhëniet juridiksionale me jashtë gjatë vitit 2019.**

Gjatë vitit 2019, rezulton se ka patur një ngarkesë të konsiderueshme pune edhe në lidhje me marrëdhëniet juridiksionale me autoritetet gjyqësore të huaja, në lidhje me dërgimin e letërporosive për jashtë shteti apo ekzekutimin e letërporosive të ardhura nga ajashtë shteti, në lidhje me ekstradimet apo edhe në lidhje me njohjet e vendimeve penale të huaja apo transferimet e procedimeve. Përsa i përket ngarkesës dhe numrit të letërporosive apo akteve të tjera në lidhje me marrëdhëniet juridiksionale me jashtë janë si më poshtë konkretisht;

- Gjatë këtij viti janë dërguar për jashtë shtetit 46 kërkesa për ndihmë juridike në fushën penale;
- Janë ekzekutuar 24 kërkesa për ndihmë juridike nga autoritetet gjyqësore të huaja të dërguara nga ana jonë si gjatë vitit 2019 dhe gjatë viteve të mëparshme;
- Për 2 kërkesa autoritetet e huaja kanë vendosur mospranim ekzekutimi.
- Nga autoritet gjyqësore të huaja, kanë ardhur për t'u ekzekutuar 6 kërkesa për ndihmë juridike, ku 4 kërkesa janë ekzekutuar deri tani, ndërsa 2 të tjerat janë në proces.
- Është dërguar 1 kërkesë për ekstradim për jashtë shtetit, e cila është miratuar.
- Gjithashtu janë dërguar 10 kërkesa për ekstradim nga jashtë shtetit nga autoritet gjyqësore të huaja pranë Gjykatës së Rrethit Gjyqësor Shkodër, ku 4 prej të cilave është vendosur pranimi i ekstradimit, ndërsa të tjerat janë në proces.
- Ka pasur 5 kërkesa për njohje të vendimeve penale të dhëna nga autoritet gjyqësore të huaja të cilat janë në proces.

➤ **Në këtë fushë dhe drejtim të punës mbetet për tu bërë më shumë dhe konkretisht:**

- Rritja e cilësisë së kërkesave për ndihmë juridike në fushën penale nga prokurorët, si trajnimi dhe njohja me mirë e legjislacionit kombëtar dhe ndërkombëtar që rregullon këto marrëdhënie.
- Nxjerrja dhe dërgimi i menjëhershëm i urdhërave të kërkimit ndërkombëtar që në konstatimin e pamundësisë së ekzekutimit të masës së sigurimit dhe jo vetëm pas dërgimit të çështjes për gjykim apo vetëm për vendimet penale të formës së prerë.

- Vërehet se kërkesat për ndihmë juridike formulohen dhe dërgohen me vonesë nga momenti i evidentimit të nevojës për një kërkesë të tillë, ka vonesa në ekzekutimin e tyre, nuk ka komunikime vazhduese me Drejtorinë e Marrëdhënieve Juridiksionale me Jashtënjë Prokurorinë e Përgjithshme dhe me Drejtorinë përkatëse në Ministrinë e Drejtësisë, si dhe nuk shfrytëzohen sa duhet komunikimet direkte me autoritet e huaja apo me oficeret ndërlidhës pranë ambasadave në Tiranë, në ato raste kur është mundësia për një gjë të tillë.
- Konstatohet se ka disponime të diskutueshme me pezullimin e hetimeve për shkak të vonesave lidhur me ekzekutimin e letërporosive, si dhe ka neglizhenca në rastet e rifillimit të hetimeve pasi ekzekutohen këto letërporosi, etj.

➤ **PROBLEMATIKAT HASURA GJATË VITIT 2019.**

- Gjatë vitit 2019, në punën e prokurorisë janë hasur një sërë problematikash ku një pjesë të mirë të tyre i paraqitëm më sipër, si në referimet e veprave penale, në kallëzimet penale, në drejtimin e hetimeve apo në përfaqësimin e akuzës në gjyq. Gjithashtu, janë hasur vështirësi edhe në administrimin e prokurorisë dhe në drejtim të përmirësimit e punës në tërësi, për sa i përket mbajtjes dhe menaxhimit të të dhënave statistikave dhe informacioneve të plota.
- Vështirësi janë hasur qoftë në zbatimin e plotë të rekomandimeve të KM, ashtu edhe në aktet e tjera nënligjore, ku mbetet punë e konsiderueshme për tu bërë.
- Në hetimin e korrupsionit dhe krimin të organizuar janë hasur vështirësi qoftë për a i përket numrit të referimeve dhe cilësisë së tyre, ashtu edhe numrit të procedimeve të hetuara dhe kapaciteteve jo të plota në hetimin e këtyre grup veprave.
- Në hetimin e vepra penale me rrezikshmëri të lartë shoqërore si vrasjet, vjedhjet me armë apo me dhunë, etj, janë trajtuar ato të ndodhura gjatë këtij viti, por duhet të synohet që të zhvillohet më shumë punë për rifillimin e hetimeve për ngjarjet e vjetra të ndodhura për këto grup veprash penale dhe të pezulluara më pas, ku për të duhet bashkëpunuar me ngushtësisht me policinë e shtetit.
- Në hetimin e veprave penale që lidhen me “Vjedhjen e energjisë elektrike” ka një volum pune relativisht të lartë, por që është fokusuar vetëm ndaj personave fizik, duke pasur hetime sporadike ndaj personave juridik, që në vlerësimin tonë shkaktojnë një dëm ekonomik të konsiderueshëm dhe shumë më të lartë se personat fizik.
- Në hetimin e veprave penale si “Ndërtimet pa leje”, ka një volum pune të lartë, si dhe një bashkëpunim të mirë dhe në rritje me policinë dhe drejtorinë përkatëse në bashkitë e qarkut, por hetimet edhe këtu janë fokusuar ndaj personave fizik dhe hetimet ndaj personave juridik janë të pakta dhe parandalimi i këtij fenomeni larg pritshmërive.
- Në hetimin e veprave penale që lidhen me “mastrimet në sigurime”, ka një rënie të dukshme, por që është fokusuar vetëm ndaj personave fizik, duke anashkaluar hetimet e duhura ndaj nënpunësve shtetëror që kanë mbajtur dokumentacion e pensioneve në lidhje me bashkëpunimin e tyre, falsifikimin e dokumenteve dhe

shpërdorimin e detyrës të kryer nga ana e tyre.

- Në hetimin e veprave penale që lidhen me “Shkeljen e rregullave të qarkullimit rrugor”, ka një volum të konsiderueshëm, kun ë përgjithësi ka përmirësime por kërkohet një bashkërendim më i mirë në rastin e pasojave të rënda dhe aksidenteve komplekse, ku mungesa e ekspertëve të licensuar dhe mosprania e tyre në vendin e ngjarjes dhe domosdoshmëria e kryerjes së riekspertimeve me grup ekspertësh, ndikon në cilësinë e hetimeve, në zgjatjen e tyre dhe në mbështetjen e akuzës së ngritur.

V. NGARKESA E PUNËS SË PROKURORËVE DHE OFICERËVE TË POLICISË GJYQËSORE GJATË VITIT 2019.

Gjate vitit 2019, nga ana e prokurorëve në Prokurorinë e Rrethit Gjyqësor Shkodër është përballuar një ngarkesë e konsiderueshme çështjeve penale dhe përfaqësimi nëgjykim pranë Gjykatës së Rrethit Gjyqësor Shkodër. Ashtu sic edhe e kemi trajtuar në pikën e parë të këtij raporti, rezulton se nga prokurorët është hetuar dhe përfunduar nje numër relativisht i madh i çështjeve penale të rregjistruara dhe të mbartura.

Me konkretisht po japin në një tablele përmbledhëse të dhënat e ngarkesës së secilit prokuror dhe mënyrën e përfundimit të çështjeve prej tyre.

Prokurori	Gjykuar	Pushuar	Pezulluar	Urdhër penal	Moskomp	Hetim	Totali
A.Murçaj	38	33	31	5	4	17	128
A.Halilaj	22	2	1	0	0	52	77
A.Prençi	4	1	2	0	3	131	141
A.Smaçi	72	23	47	1	1	83	227
B.Hamza	14	6	6	0	1	110	137
E.Cufi	49	19	35	0	1	407	511
E.Lelçi	21	30	14	0	1	111	177
E.Ndoci	10	3	0	0	0	101	114
F.Lekani	91	47	4	0	1	91	234
L.Çardaku	11	17	19	0	1	58	106
M.Fraseri	75	15	3	0	0	68	161
S.Bahiti	24	5	3	0	2	69	103
Sh.Milla	3	0	0	0	0	9	12
Xh.Lita	98	52	44	1	1	270	466

Gjatë vitit 2019, Prokuroria pranë Gjykatës së Shkallës së Parë Shkodër, ka funksionuar me një numër të reduktuar prokurorësh nga 19 prokurorë që ka qenë organika. Gjithashtu ka pasur lëvizje prokurorësh, komandime, transferime, caktime të përkohëshme, etj. Nga fillimi i vitit 2019 e deri në fillim të muajit Korrik 2019, në Prokurorinë pranë Gjykatës së Shkallës së Parë Shkodër nuk ka funksionuar sistemi CAMS. Gjatë kësaj periudhe materialet kallëzuese dhe hetimore janë hedhur në short manual në seksione dhe mes prokurorëve të ndarë në seksione pasi nuk ka funksionuar sistemi elektronik i menaxhimit të çështjeve.

Prokuroria pranë Gjykatës së Shkallës së Parë Shkodër, gjatë vitit 2019, nga janari deri në korrik ka funksionuar me tre seksione, seksioni i parë për krimet e rënda, vrasjet, vjedhjet, drogës, etj, seksioni i dytë për krimin ekonomik dhe financiar dhe korrupsionin, seksioni i tretë për të miturit, dhunën në familje, etj, si dhe zyra e ekzekutimeve. Në vijim, nga muaji shtator 2019 është bërë bashkimi i seksionit për krimet e rënda, vrasjet, vjedhjet, drogës, me seksionin e dytë për krimin ekonomik dhe financiar dhe korrupsionin, në një seksion të përgjithshëm e ndikuar edhe nga numri i reduktuar i prokurorëve, duke vijuar ndarë seksioni për të miturit dhe seksioni apo zyra e ekzekutimeve të vendimeve penale dhe marrëdhënieve juridiksionale me jashtë, si seksion më vehte.

Gjatë këtij viti, materialet kallëzuese dhe procedimet e tjera penale janë hedhur apo rihedhur në short sipas seksioneve, ku për shkak të kategorisë së veprave penale, numrit të tyre dhe materialeve kallëzuese përkatëse, numri i materialeve hetimore të hedhura në seksione të ndryshme nuk ka qenë i barabartë. Nga fillimi i muajit korrik 2019 është rivendosur në funksion sistemi CAMS dhe ka rifilluar hedhja e shortit elektronik sipas sistemit.

➤ **Ngarkesat e prokurorëve gjatë vitit 2019, rezultojnë si më poshtë :**

Prokurori Albert Murçaj, rezultojnë me 128 procedime penale të trajtuara, nga janari 2019 deri në mars ka mbajtur detyrën e Drejtuesit të Seksionit për të Miturit, në vijim me urdhër të Drejtuesit të Prokurorisë ka kaluar Drejtues i Seksionit për Vrasjet, Vjedhjet, etj. Në vijim nga datë 16.07.2019, me vendim të Këshillit të Lartë të Prokurorisë është caktuar përkohësisht për të kryer detyrën e Drejtuesit të Prokurorisë dhe nga kjo datë është përjashtuar nga shorti për shkak të këtij caktimi si Drejtues Prokurorie dhe një pjesë e dosjeve të tij janë hedhur në short mes prokurorëve të tjerë.

Prokurore Shqiponja Milla, rezultojnë me 12 procedime penale të trajtuara, ku ka pasur edhe procedime të tjera por për një pjesë të procedimeve penale është zëvendësuar duke ja kaluar me vendim të Drejtuesit të Prokurorisë prokurorëve të tjerë, ku më përpara dhe nga janari 2019 dhe aktualisht mban detyrën e Zv.Drejtueses së Prokurorisë. Gjithashtu, ka mbajtur njëkohësisht edhe detyrën e Drejtueses së Seksionit të Krimin Ekonomik në periudhën janar-shtator dhe nga shtatori deri në fund të vitit dhe aktualisht Drejtuese e Seksionit të Përgjithshëm. Me urdhër të Drejtuesit të Prokurorisë është përjashtuar nga shorti elektronik që në vitin 2018.

Prokurori Xhevahir Lita, rezultojnë me 466 procedime penale të trajtuara, nga janari 2019 deri në fund të vitit ka mbajtur detyrën e prokurorit në Seksionin e krimeve të rënda dhe pas bashkimit të seksioneve në Seksionin e Përgjithshëm. Nuk ka lëvizur si prokuror dhe ka pasur edhe çështje të bashkuara si dhe të marra me zëvendësim nga Prokuroret e tjerë.

Prokurore Edlira Cufi, rezulton me 511 procedime penale të trajtuara, nga janari 2019 deri në fund të vitit ka mbajtur detyrën e prokurores në Seksionin e krimeve të rënda dhe pas bashkimit të seksioneve në Seksionin e Përgjithshëm. Nuk ka lëvizur si prokurore dhe ka pasur edhe çështje të bashkuara, si dhe të marra me zëvendësim nga Prokurorët e tjerë.

Prokurori Ermir Lelci, rezulton me 177 procedime penale të trajtuara, nga janari 2019 deri në muajin shtator 2019 ka mbajtur detyrën e prokurorit në seksionin për Krimin Ekonomik dhe Financiar dhe pas bashkimit të seksioneve në Seksionin e Përgjithshëm. Nuk ka lëvizur si prokuror dhe se ngarkesa në seksionin për krimin ekonomik dhe financiar ka qenë më e vogël në numër dosjesh por më komplekse dhe voluminoze për sa i përket lëndës.

Prokurore Franceska Lekani, rezulton me 234 procedime penale të trajtuara, nga janari 2019 deri në muajin shtator 2019 ka mbajtur detyrën e prokurores dhe Drejtueses së Seksionit për të Miturit (nga muaji Mars) dhe në vijim të muajin shtator e deri në fund të vitit prokurore po në këtë seksion. Nuk ka lëvizur si prokurore as nga prokuroria dhe as në seksione të tjera dhe se ngarkesa e saj lidhet me faktin që nuk ka ndryshuar seksion dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë.

Prokuror Arben Smaçi, rezulton me 227 procedime penale të trajtuara. Ka qenë i komanduar në Prokurorinë e Përgjithshme nga viti 2018 dhe është kthyer në Prokurorinë e Shkodrës, në prill 2019 deri në muajin shtator 2019 ka mbajtur detyrën e prokurorit në seksionin për krimet e rënda dhe më pas të Drejtuesit të Seksionit për të Miturit (nga muaji Shtator) dhe në vijim deri në fund të vitit 2019. Në muajin maj 2019, ka marrë në bllok një numër të madh procedimesh të Prokurorit Federik Laloshi për shkak të kalimit të këtij të fundit në seksionin e ekzekutimeve dhe më pas të daljes në pension. Në vijim ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka marrë çështje me short elektronik.

Prokurore Marsida Frashëri, rezulton me 161 procedime penale të trajtuara. Ka qenë e komanduar në Prokurorinë e Përgjithshme nga viti 2018 dhe është kthyer në Prokurorinë e Shkodrës, në prill 2019. Deri në fund të vitit 2019 ka mbajtur detyrën e prokurores në Seksionin për të Miturit. Në muajin maj 2019, ka marrë një pjesë procedimesh të prokuroreve të tjerë dhe ka pasur edhe një problematikë në lidhje me marrjen e dosjeve për të cilën është marrë vendimarrje nga Drejtuesi i Prokurorisë dhe Këshilli i Lartë i Prokurorisë. Në vijim ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka marrë çështje me short elektronik.

Prokuror Astrit Halilaj, rezulton me 77 procedime penale të trajtuara. Ka qenë i komanduar në Prokurorinë e Krujës nga viti 2018 dhe nga fundi i muajit shtator është kthyer në Prokurorinë e Shkodrës, e deri në fund të viti 2019 ka mbajtur detyrën e prokurorit në Seksionin e Përgjithshëm. Në momentin e kthimit së bashku me dy prokurorë të tjerë ka marrë me short manual dosje të dy prokuroreve të larguara (Ajola Prençi me ndërprerje komandimi dhe Blerta Hamza me leje lindje). Në vijim ka marrë çështje me short elektronik.

Prokuror Saimir Bahiti, rezulton me 103 procedime penale të trajtuara. Ka qenë i komanduar në Prokurorinë e Gjirokastrës nga viti 2018 dhe është kthyer në Prokurorinë e

Shkodrës, nga fundi i muajit Shtator 2019. Deri në fund të viti 2019 ka mbajtur detyrën e prokurorit në Seksionin e Përgjithshëm. Në momentin e kthimit së bashku me dy prokurorë të tjerë ka marrë me short manual dosje të dy prokurorëve të larguara (Ajola Prençi me ndërprerje komandimi dhe Blerta Hamza me leje lindje). Në vijim ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka marrë çështje me short elektronik.

Prokurore Esmeralda Ndoci, rezulton me 114 procedime penale të trajtuara. Ka qenë e komanduar në Prokurorinë e Elbasanit nga viti 2018 dhe nga fundi i muajit shtator është kthyer në Prokurorinë e Shkodrës, e deri në fund të viti 2019 ka mbajtur detyrën e prokurores në Seksionin e Përgjithshëm. Në momentin e kthimit së bashku me dy prokurorë të tjerë ka marrë me short manual dosje të dy prokurorëve të larguara (Ajola Prençi me ndërprerje komandimi dhe Blerta Hamza me leje lindje). Në vijim ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka marrë çështje me short elektronik.

Prokurore Ajola Prençi, rezulton me 141 procedime penale të trajtuara, 10 janë dosjet e përfunduara, ndërsa dosjet në hetim janë rihedhur në short dhe u kanë kaluar prokurorëve të tjerë). Ka qenë e komanduar në Prokurorinë e Shkodrës nga viti 2018 dhe është kthyer në Prokurorinë e Kurbinit ku ka emërimin nga fundi i muajit Shtator 2019, ka mbajtur detyrën e prokurores në Seksionin e Krimet Ekonomik dhe Financiar. Ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka dorëzuar 131 procedime penale në hetim dhe 30 kallëzime penale, të cilat u kanë kaluar prokurorëve të tjerë.

Prokurore Blerta Hamza, rezulton me 137 procedime penale të trajtuara, pasi 27 janë dosjet e përfunduara, ndërsa dosjet në hetim janë rihedhur në short dhe u kanë kaluar prokurorëve të tjerë). Në muajin Korrik 2019, ka marrë lejen e lindjes deri në përfundim të vitit 2019 ka vijuar me leje lindje. Në kohën e marrjes së lejes ka dorëzuar rreth 110 procedime penale, si dhe rreth 20 kallëzime penale dhe rreth 45 procedime penale në gjykim. Këto materiale më pas u kanë kaluar me short manula prokurorëve të tjerë.

Prokurori Lazër Çardaku, rezulton me 106 procedime penale të trajtuara (ka një lapsus, pasi ka përfunduar 48 procedime penale dhe ka dorëzuar 58 procedime penale, në hetim që janë rihedhur në short dhe u kanë kaluar prokurorëve të tjerë). Nga janari 2019 deri në muajin shtator 2019 ka mbajtur detyrën e prokurorit në Seksionin për Krimet e Rënda. Në muajin shtator është caktuar me vendim të Këshillit të Lartë të Prokurorisë në Prokurorinë e Apelit Shkodër. Ka marrë dosje me short manual dhe se ka pasur edhe çështje të bashkuara si dhe të marra me zëvendësim për shkak të lëvizjes së prokurorëve të tjerë. Në vijim ka dorëzuar 58 procedime penale në hetim dhe disa kallëzime penale, të cilat u kanë kaluar prokurorëve të tjerë me short.

Prokurori Agron Bushati, nuk rezulton me procedime penale të trajtuara (në muajin gusht ka marrë për shkak gadishmërie dy procedime penale me të arrestuar). Nga janari 2019 deri në fund të vitit 2019 ka mbajtur detyrën e prokurorit dhe Drejtuesit të Zyrës së Ekzekutimeve dhe për shkak të ngarkesës me urdhëra ekzekutimi, marrëdhëniet juridiksionale me jashtë, kërkesat në fazën e ekzekutimit të vendimeve është përjashtuar nga shorti manual dhe elektronik.

Sqarojmë, se diferenca me numrin e dosjeve të trajtuara nga prokurorë të ndryshëm, ka ndodhur për disa arsye, si nga koha e ushtrimit të funksionit ku një pjesë e prokurorëve kanë lëvizur me komandime, transferime apo caktime të përkohëshme, nga ndryshimi i seksioneve, ku seksionet e krimit ekonomik dhe seksioni për të mitur kanë pasur një ngarkesë relativisht më të vogël se seksioni për krimet e rënda, vrasje e vjedhjet, etj. Gjithashtu, ka ndodhur edhe për shkak të numrit të kallëzimeve penale të mosfilluara të cilat nuk janë të përfshira në pasqyrën e mësipërme dhe numri i tyre ndryshon nga një prokuror një tjetër. Gjithashtu, ka ndikuar edhe fakti se një pjesë të madhe të kohës shorti është hedhur manualisht dhe se disa prokuror kanë qenë me leje apo janë përjashtuar nga shorti për shkak të ngarkesës me doje të vjetra në hetim, dosje të vitit 2018 apo të viteve të mëparshme. Kjo ka ndodhur në periudha të caktuara apo edhe për shkak të zëvendësimeve të prokurorëve për arsye të ndryshme ligjore. Gjithashtu, në rastet e largimit të prokurorëve me komandim apo ndërprerje komandimi dosjet e dorëzuara prej tyre janë hedhur me short manual jo mes të gjithë prokurorëve por bazuar në seksionet përkatëse.

➤ **Ngarkesa e oficerëve të policisë gjyqësore gjatë vitit 2019.**

Gjate vitit 2019 edhe oficeret e policise gjyqësore në Prokurorinë pranë Gjykatës së Shkallës së Parë Shkodër kanë patur një ngarkesë të konsiderueshme. Më poshtë po japin në një tablele përmbledhese të dhënat e ngarkesës së secilit prej oficerëve të policisë gjyqësore në Prokurorinë Pranë Gjykatës së Shkallës së Parë Shkodër:

NR	OF.POL. GJYQËSORE	SEK	ÇËSHTJET	STATUSI				
				Pushuar	Pezulluar	Gjyq	Mbartur	Tjetër
1	Bledar Vujoshi	Sek 2	136	18	9	39	8	62
2	Çlirim Halili	Sek 1	53	14	2	19	6	12
3	Diana Tahiraga	Sek 1	56	13	6	14	23	-
4	Valbona Kalaci	Sek 1	75	2	-	72	1	-
5	Suela Kërzhaliu	Sek 2	125	9	1	100	15	-
6	Kujtim Livalli	Sek 3	43	12	3	27	1	-
7	Kozeta Çomo	Sek 1	115	40	10	31	28	6
8	Fatmira Vata	Sek 1	106	15	9	72	30	-
9	Skender Doda	Sek 1	139	20	7	61	36	15
10	Eriselda Shahmani	Sek 2	22	5	2	11	3	1
	TOTALI		870	148	49	446	151	96

Sqarojmë se oficerët e policisë gjyqësore Çlirim Halili, Valbona Kalaci dhe Eriselda Shahmani kanë filluar detyrën në Qershor 2019. Ndërsa of.pol.gjyqësore Diana Tahiraga ka filluar detyrën efektivisht në Shtator 2019, pasi ka vijuar të ndihmojë kryesekretarinë në veprimet administrative. Of.pol.gj Bledar Vujoshi ka qenë pjesërisht pjesë e zyrës së ekzekutimeve. Gjithashtu, oficeri i policisë gjyqësore Kujtim Livalli ka qenë pjesën më të madhe të vitit si oficer pranë zyrës së ekzekutimeve.

➤ **Administrimi i Prokurorisë.**

- Një pjesë e rëndësishme e veprimtarisë së Prokurorisë bazohet në punën e administratës së saj. Ku gjatë vitit 2019, është punuar edhe në drejtim të përmirësimit e punës së administratës. Në vijimësi është kërkuar përmirësimi në drejtim tëmbajtjes së

regjistrave të ndryshëm, nëraportimet periodike të statistikave të Prokurorisë, në protokollimet dhe kthimet e përgjigjeve ndaj institucioneve të ndryshme dhe qytetarëve.

- Gjithashtu është punuar për mirëmbajtjen dhe përdorimin e plotët të sistemit CAMS të menaxhimit të çështjeve, megjithë problematikat dhe defektet e evidentuar në disa periudha të mosfunksionimit të tij.
- Kërkohet një punë më e madhe në këtë drejtim, me qëllim pasjen në kohë reale dhe të saktë e të plotë të të gjithë treguesve dhe të dhënave nga ana e punonjësve të ngarkuar me këto detyra.
- Menaxhimi i plotë dhe i saktë i arkivave, i provave materiale, I disponimit të tyre, dhe mbajtja e qëndrimeve uniforme në lidhje me sekuestrimet, lënien në ruajtje të tyre, konfiskimet apo kthimin e tyre pronarëve të ligjshëm është një objektiv që mbetet për tu përmirësuar dhe unifikuar.
- Përsa i përket anës financiare është synuar respektimi me rigorozitet i parashikimeve ligjore dhe nënligjore në administrimin e fondeve buxhetore. Mendojme se shtimi i buxhetit për disa zera do të ndihmonte në përmirësimin e punës së prokurorisë pasi kruesjen e hetimeve të plota dhe të gjithëanshme kërkohen njohuri nga ekspertë të fushave të ndryshme, përkthyes, psikologë, ndihmës të tjerë dhe grupe hetimore, si dhe veprime të shumta hetimore, të cilat në tërësinë e tyre kërkojnë shpenzime më të mëdha, etj.
- Përsa i përket respektimit të disiplinës në punë dhe të Etikes nga ana e punonjësve të Prokurorisë, është kërkuar në vijimësi respektimi i disiplinës në punë, respektimi i kodit të etikës, gjithashtu u është tërhequr vërejtje dhe janë marrë masa të tjera disiplinore apo kërkesa llogarie kur është konstatuar devijim nga respektimi i këtyre detyrimeve ligjore. Megjithatë, vlerësojmë se mbetet detyrë e vazhdueshme për kërkesa llogarie dhe marrjen e masave të tjera qoftë nga ana e akteve nënligjore ashtu edhe në kontrollin faktit të disiplinës.

V. DREJTIMET DHE PËRPARËSITË NË LÛFTEN KÛNDER KRIMINALITETIT PËR VITIN PASARDHËS 2020 DHE REKOMANDIME.

- ✓ Për vitin 2020, mbetemi të angazhuar për përmirësimin me korrektesë të detyrave kushtetuese dhe ligjore, duke bërë të mëtejshme për përmirësimin dhe avancimin e mëtejshëm në rritjen e efektivitetit dhe cilësisë në ushtrimin e ndjekjes penale, mbrojtjen dhe përfaqësimin e akuzës në gjykim.
- ✓ Në vëmendje të punës tonë të përditshme do të kemi parasysh dhe të zbatojmë urdhërat dhe udhëzimet e Prokurorisë të Përgjithshme, vendimet e Këshillit të Lartë të Prokurorisë, rekomandimet e Parlamentit dhe aktet e tjera ligjore dhe nënligjore, me qëllim përmirësimin e dhe rritjen e efikasitetit në luftën kundër kriminalitetit dhe paligjshmërisë.
- ✓ Rritjen e bashkëpunimit të mëtejshëm dhe më të ngushtë, kryesisht me policinë e shtetit si një hallke shumë e rëndësishme në luftën kundër kriminalitetit, si dhe me të gjitha instancat dhe organet e tjera ligjzbatuese.

- ✓ Krijimin e kushteve dhe sigurimin e mbështetjes së nevojshme në garantimin e Prokurorëve dhe oficerëve të policisë gjyqësore në ushtrimin e ndjekjes penale dhe përfaqësimin e akuzës në gjyq, në pavarësi të plotë, duke reflektuar realisht ndryshimet thelbësore që ka pësuar drejtësia penale nga reforma në drejtësi dhe rritjen e përgjegjshmërisë dhe llogaridhënies e transparencës qoftë si një detyrim ligjor i tyre ashtu edhe si objektiv për rritjen e besueshmërisë së publikut në organin e prokurorisë.
- ✓ Trajnimi i prokurorëve dhe i oficerëve të policisë gjyqësore, por edhe i administratës, me qëllim rritjen e performancës dhe aftësive të tyre në zbatimin e plotë dhe të drejtë në praktikë, të ndryshimeve që ka pësuar kodi i procedurës penale, kodi penal, kodi i drejtësisë penale për të miturit apo ligje të tjera të drejtësisë penale gjatë kohëve të fundit, si një detyrim ligjor dhe objektiv për tu realizuar me qëllim përmirësimin e punës së këtij institucioni.
- ✓ Nxjerrja e urdhërave dhe udhëzime, të përgjithshme dhe të posaçme me qëllim sanksionimin dhe ardhjen në ndihmë të subjekteve të hetimit për implementimin dhe normimin sa më të plotë në praktikë të detyrave të tyre është një tjetër detyrë që duhet realizuar. Përcaktimin me urdhëra apo udhëzime i raporteve të drejta mes Drejtuesit të Prokurorisë, Drejtuesve të Seksioneve dhe Prokurorëve, si dhe raportin mes Prokurorëve dhe oficerëve të policisë gjyqësore.
- ✓ Plotësimi dhe fuqizimi i seksioneve të krijuara në Prokurorinë pranë Gjykatës së Shkallës së parë Shkodër, sipas grup veprave penale, bashkërendimi i punës midis tyre, përcaktimi më i saktë dhe qartë i detyrave dhe roleve të drejtuesve të seksioneve me qëllim vlerësimin dhe mbikqyerjen e ushtrimit të ndjekjes penale dhe përfaqësimit më cilësor të akuzës në gjykim.
- ✓ Rritja e bashkëpunimit me strukturat e hetimit tatimor dhe doganor dhe me drejtorinë e parandalimit të pastrimit të parave, drejtorinë shërbimeve të brendshme dhe kontrollit në Drejtorinë e Policisë së Shtetit dhe në sistemin e burgjeve duhet të mbetet një prioritet me qëllim bashkërendimin e punës dhe shfrytëzimin e aseteve dhe i informacioneve që këto agjensi dhe institucione kanë, për realizimin e një hetimi më të plotë dhe të sukseshëm për veprat penale në kompetencë të tyre.
- ✓ Bashkëpunimi ndërkombëtar, qoftë ai i zakonshëm qoftë i drejtëpërdrejtë duhet të shtohet dhe të përsoset, sidomos në hetimin e veprave penale të trafikimit të qënieve njerëzore, të narkotikëve, të mjeteve motorrike, dhënies ndihmë për kalimin e paligjshëm të kufirit, të pastrimit të produkteve të vepres penale apo veprimtarisë kriminale, kontrabandës, etj.
- ✓ Një prioritet tjetër, mbetet rritja e numrit të hetimeve proaktive, sidomos në veprat penale të korrupsionit, mbajtjes dhe shitjes së narkotikeve, shfrytëzimit të prostitucionit, pastrimit të produkteve të vepres penale, të ushtrimit pa license të veprimtarisë bankare (dhenies së parave me fajde), etj, është rruga e duhur për të pasur një qasje me produktive kundër këtyre fenomeneve kriminale dhe shqetesuese për rajonin e Shkodrës.
- ✓ Prioritet duhet të jetë edhe shfrytëzimi i të dhënave që kanë rregjistrat online dhe databazat e institucioneve të ndryshme si, ADISA E-Albania, QKB, ZVRPP apo Agjensia Shtetërore e Kadastrës, etj, pasi mundësia e marrjes së të dhënave prej tyre,

në mënyrë të drejtëpërdrejtë (online) apo në një kohë të shkurtër do të ndihmojë në kryerjen e hetimeve, të shpejta, të plota, cilësore dhe të gjithanshme.

- ✓ Ushtrimi i ndjekjes penale kryesisht për shumë vepra penale ekzistente, por të cilat nuk janë referuar në prokurori gjatë vitit 2019, duhet të jetë një nga prioritetet kryesore të punës sonë në vijim.
- ✓ Nxitja e prokurorëve për vënien në zbatim të institutive të reja të procedurës penale, si shtimin e rasteve të dërgimit në gjykatë të çështjeve me urdhër penal dhe gjykimi me marrëveshje, çmujmë se do t'i shërbejë efikasitetit dhe shkurtimit të kohës në gjykimin e rasteve të caktuara.
- ✓ Angazhohemi që numrin e madh të çështjeve të mbartura nga viti i kaluar, të mund t'i përmbysim në një kohë sa më të shkurtër. Njëkohësisht të kërkohet që nëpërmjet trajnimeve vazhduese të Shkollës së Magjistraturës apo institucioneve të tjera që vepronë në këtë fushë, të rrisim cilësitë e hetimit në një nivel profesional më të lartë për sa i takon hartimit të akteve procedurale.
- ✓ Një sfidë për tu aritur mbetet rritja e besimit tek publiku, pasi të gjithë indikatorët flasin për një nivel jo të kënaqshëm që kanë qytetarët në drejtësinë penale, ku bën pjesë edhe prokuroria. Për këtë, synojmë që jo vetëm shpejtësia dhe cilësia e hetimit, por edhe transparencja ndaj publikut do të ndikojë për të sjellë një rritje të besimit e për rrjedhojë edhe të bashkëpunimit me ne. Çdo prokuror duhet të shfaqë dhe të dëshmojë detyrimin ndaj qytetarëve që me profesionin e tij të japë drejtësi penale të pavarur dhe të pandikuar nga faktorët korruptive, politik, etj.
- ✓ Administrimi më i mirë i sekretarisë, arkivit dhe i provave materiale mbetet sërish një angazhim i yni, pasi e konsiderojmë me rëndësi për punën tonë regjistrimin e të dhënave të veprave penale, të autorëve të saj, sikundër edhe administrimin e dosjeve në përfundim të hetimit dhe gjykimeve, të provave materiale që ju bashkalidhen.
- ✓ Nga fundi, por jo më pak i rëndësishëm mbetet komunikimi me mediat lokale e qëndrore duke ruajtur sekretin hetimor, të dhënave personale, kryesisht të të miturve e viktimave të veprës penale por, duke marrë përsipër informimin e publikut për punën, arritjet dhe sfidat që kemi në punën tonë të përditshme.

Ju faleminderit për vëmendjen!

DREJTUESI I PROKURORISË

ALBERT MURÇAJ